



受祺堂詩卷之二十二

中南山人荆束李因篤子德著

房衍公初度

才名競識孝廉船督察還推司隸賢帝里每同鄉


里醉棠花偏傍棣花妍令兄樞部在坐躋觥三伏逢長日

緩帶新秋洽盛筵 聖主恩深容乞養高鴻獨望

五雲邊

又代

新秋瞻爽氣冰署正開筵續冠都亭最人同地節
年棣花輝座上玉樹滿階前欲介維嵩壽遙攀太



華蓮

畱別詹事大兄三首

仙李名柯奕葉繁
大宗今在率更門
人無浮艷推陶謝
國有醇儒託子孫
每惜荆陰行待月
時連雁序坐開樽
端居並朔西涼裔
祖德朝庸仔細論
銅斗桑乾古代封
蔚蘿回首憶萍踪
篤常客遊此地早知
忠厚承家學
新擢京華起亢宗
樹接西州秋色遠
雲開北闕曉煙重
南鄰况近賢都憲
謂庸翁先生喜附
松喬屢過從

緩急謀人古所難
迂疎豈合臥長安
征衣最苦臨秋敝
旅爨空嗟竟日寒
切切有兄分薄祿
勞勞爲母勸加餐
聖恩深重谷歸養
岐路褰裳露未乾
畱別吳侍講臥山

高樹有慈烏
倦飛怕待食
臨風憶其子
日暮應見息
歎我貧窶人
養親事田穡
盤蔬或未充
負米窮南北
舊歲下溫綸
徵輪瞻孔亟
哀呼迴未達
澗壑遑終匿
秋杪抵神京
接塵多感盡
上書寧記數
炎日照顏色
轉叩青綺門
堂高限重闕
同時侍講公
亦詠飛雛逼
優詔况先許
涕洟還共拭
據閣者伊誰
睨視聲唧唧
請謁渾無體
要前爲匍匐
禮乖詞

難伸終竟莫省識子昔起雲間髫年聞令德綵毫對彤廷雄劉垂世則拔置天祿中超然萬夫特聖

謨恭成編

謂前預修實錄

仙省亦屢陟舉足違北堂端居

苦相憶顓恩格

皇心前路辭要職

前關推學憲俱以養不

赴

盛代策賢良舟車盈紫極君雖淹斯行究復膺

選式明發推所契保持不遺力暑途數過尋愁慮

填胸臆予頃排閭闔天威詎可測疇能謀親交獨

子託羽翼

帝性孝且仁深宮照無忒懷歸憫小

臣諗母情悽惻詰旦沛殊恩還山忽已得膏車待

昧爽叱馭忘日昃念子循陔心孜孜肯暫默雞鳴

稍踟躕引邁將拂軾吾去仗子勞子畱吾慚懼吞

聲岐路旁執手古臺側願比雙黃鵠南軒早競飾

綵衣介春酒江總頭正黑老父同康強佳兒並岐

疑作忠須後圖謀道亦酬國鄙願足菽水家貧兼

釣弋關鴻附好音寄謝邦司直

房比部慎菴出唐十八學士圖屬賦

唐興真人御赤龍虎視目已無羣雉開闢豈惟高

祖聖駿奔兼有諸賢功秦王初建天戈號佐又聯

翩遊其中咄咤風雲咫尺參陪帷幄翺翹同宗

臣一代推房杜共躋艱難託子為妾亦同升十六

子攀鱗附翼俱千古淵源一窮典墳壯畧多聞
出罇俎中或微瑕挂晚筮一絲要不傷純組博陵
佳手首閣生搦管秋飈蕩空溟應詔當軒拂絹素
諸公對面畱丹青衣冠照耀鬚眉動措笏垂紳鴛
鷺停往日登瀛侈時論祇今光岳凝日星圖成拜
恩入前殿彼美俄頃盈玉案遂有詞匠徐奮筆還
勞至一並爲讚大勲業付旂常垂遺象長看金石
煥此冊在內忽遺外傳非其人寧足算梁公奕葉
梓里豪歷事南曹更西曹際會何殊貞觀盛才名
迴與凌烟高百縉購壬非購畫無乃幾先兆旌旄
君不見楊寶之環呂虔刀徵應曾未爽秋毫一賦
長歌當左券匆匆行色上征袍

畱別王司勳萊菴世丈四首

懷古何如光祿翁五君新咏續安豐暑途長倚冰
壺近秋色渾憐水鏡同解有藤花開累葉令叔爲太宰
庭垂槐蔭兆三公竹林退食多高讌疎放猶存阮
藉窮

典論名高庶績蕃持衡特簡下中原

特典試河歸南新歸

來太室瞻行旆到處長河繞過軒入採菲葑皆具
體成蹊桃李自無言乾坤並睹鄉三物顓俊陳風

左掖繁

載酒論文漢五陵當年意氣互騫騰
盈齋棗竹看頻長抱砌芳蘭別漸增
豈但枌榆通里社長懷壇坫託高會
幾回擬作淇園賦飄泊風塵苦未能
紫陌迢遙萬里車黃扉初達數行書
故人明月垂深照遊子秋風返敝廬
客路行看歸有雁羈栖肯賦食無魚
君恩友誼皆負絕不覺沾衣引邁初

祝孟母太夫人

孟母清芬百世師徽音千載盛于斯
關河配德恩同逮竹帛書勲澤正滋
彩鶴近迎南極馭丹雛初介北堂卮
舍館有暇詢棠棣玉井蓮開似舊時

畱別主政俊公大弟

天親邂逅展初歡輦路追陪藉自寬
聖德已沾烏鳥遂仙雲猶傍鶴鷄看
高堂菽水歸相聚遠道關河去漸寒
弟勸兄酬懷此日秋風頓使別離難

賦別碩言先生二首

夙昔曾垂夏口綸天涯獨子託交親
霜天萬里謀歸客酒肆三秋累故人
烽火有懷愁入夢別離無使泪沾巾
江雲渭樹相攀迥邂逅悲歡難具陳
雨散林臯秋氣清虛簷促坐草蟲鳴
重期湖海知

受補堂詩卷三
五
何地獨向風塵惜此行憶別尚憐鸚鵡月披襟誰
料鳳凰城高堂有母俱頭白莫滯南帆五兩輕

送淳化令之官

代

辭華風冠蓋珠宮賜履初分左掖東正值輓輪勤
漢詔居然耕牧迨邠風驪駒橋外垂絲碧祖帳花
間接葉紅奏績芹聞承內簡璽書遙下五雲中

祝沈僉憲範先

代

宗臣甲第五雲邊仗節軍都得象賢竹帛殊勲開
國在江山信史世家傳褰帷叱馭先畿輔洗爵投
壺靖鎧鋌擬賦有臺推懋德蓬萊何俟問長年

寄懷吳觀察粲叟先生時予姻家杜子方叔
南遊其兄別駕君與先生夙契身後蒙庇
最深故感而及之

海濱諸賢多好古文獻自昔擬鄒魯觀察北來清
邦族輦雲閩樹亦共睹起家中秘珥彩毫玉階楓
陛瞻仙武落筆直於漢京近黃初綺麗何足數曾
銜丹詔下五原却喜歸旌畱三輔斗酒過從稱最
密高懷激越託芳杜謂別駕蒼舒與酣振領一蒼茫長
嘯論文俱跋扈啼鴉春江何故急葛衣子舍誰當
補使君高義照關河存歿不殊盟肺腑令弟忽操

入淮檝

時方叔有淮南之役

褰裳重就伯通廡君不見雷陳

人謂等膠漆管鮑相知如父母征鴈在野翎在原

肯令貧交棄如土

表陳觀察貞亭公殉難

東甌觀察閩海俊抗節從容蹈白刃饒角一吹戰
城南鼓聲歛死鯨鯢震倒戈帳下悲倉卒烏怒客
豪寡悔吝臬騎何之駑馬鳴國殤鬼雄著威信訃
聞 天子爲輟朝城上秋月照孤標馳贈推恩皆
夙絕考功儀部走庶僚雲爲車兮芝爲蓋彷彿英
風賁層霄紫幄實星珠燭夜天門蕩蕩江關遙憶

公疇昔居畫省秋夜醉眠挹容景燕市酒寒慘離
色鄂湖萍拆瞻去影但知谿谷驟揚波那料煙霜
如斷梗萬里晨遊兩浙水雙旌暮宿三山頂三山
有廟泣青燐歲歲登歌薦白蘋激羽流商音再變
香藤碧荔何鮮新頑夫覲面起嘖嘖忍死須臾輕
飈塵靈爽不移呼卽得浩吟天地獨沾巾

理冀北詩集憶陳使君曹司農二首

使君乘雁躡雲根雁去雲飛古雁門此地風流雲
影散他時賓客雁行論滹沱遠帶孤城色瘴海初
招萬里魂佩玉褰帷杳何處高秋白月信乾坤

紫塞金城憶侍郎江梅朔雪兩茫茫愁教別後風
塵急欲往從之道路長隔代周滕空故邸同遊徐
阮各殊方猶聞白日湖關臥省對黃花漢署香

陳情歸賦雲中曲呈郭明府兼感夙懷

雲中古雲流天半大嶽秋色開北幹明府苞毓生
其中嶽雲川雲鬱未散有時長嘯虎風谷

北嶽
峪名俯

視八荒何漫漫出獵曾着紫貂裘耽吟不違青玉
案起家非敢薄詞科經術溯源爲浩歌憶握彩毫
遊輦上中原耆俊日經過縵袍自可對裘馬村酒
還同臨薜蘿高臥淹旬不知困賦成兩漢寧足多

雙鳧忽下萬年道閉閣鳴琴春正好飛舄香畱鄰
邑篆薦賢名重外臺草輓輪絕域推壯遊墳籍皇
初恣幽討雖復公餘但種秫可憐賓客傾懷抱滇
池尺浪跳狂鯨樓閣秦關遙抗旌會值危疆亟茂
宰誰云叢爾非巖城頻人奔走咸人怨渭水泥塗
漆水清稽古居然興禮樂講農業已捍欃槍曩子
從公爲坐客豪飲雄辨盡詞伯分米每卹故人饑
脫驂親援當路尼

公嘗援西粵傅
撫軍於瀕危

本仁任俠莫具

述提槩操觚如負責花發郊原望羽蓋歲寒肝膈
孚松柏青門託契十年餘更喜容輝接敝廬可但

登臨費公廩幾回借駕官廐車連宵安眠皆爛醉
 一日不見輒來書鮑叔知我誼無兩信陵下交名
 豈虛當年徵檄盈原隰賤子疎頑亦謬及數籲臺
 司塞耳返長懷慈母吞聲泣自從明發易暄涼夕
 膳朝餐皆取給編戶翻督縣官稅帝京况資賢令
 入予詣京公為東裝行後詎期拜爵直明光仍荷
 君恩許還鄉葆吹喧闔邑里外衣裳照耀東西箱
 秋霖絲延朝始住杲杲霽景升東方晨起呼童秣
 吾馬為公親介初度觴前秋是日杯相屬左有東
 吳謂亭林先生右二曲謂中孚家兄今此二妙跡稍遠太原

徵君聲光續時迎青主太原工書軼鍾王垂老苦

節凌嶽瀆乞寫長歌致天子恒山澗水凝百祿

冬日青門贈杭撫軍五首

聖主垂裳九塞春同時岳牧盡名臣地收侯甸兼
 分陝身倚安危獨控秦沓障雲開邊戍肅長隄雪
 迴部花新坐垂魚袋紆西顧行省勲名洽四鄰
 西望端門第一星建牙天府壯聲靈臺山曉漾秦
 山白院柏寒畱瀚海青出入鵷班推掌憲雍容豸
 繡得傳經卽今當宁書嘉績匡衛還高使相屏
 對策俱聞豐沛賢含香早侍至尊前提封文物饒

受補堂詩卷三
九
三晉仗鉞恩膏湛八川臘雪將舒官路柳晴郊忽
綻嶽門蓮詞臣奉母安家食祝國欣瞻大有年
黔楚驚連羽檄飛憲君臨事一戎衣馳驅轉餉煩
驄馬耐可傳餐歷翠微遂使農桑蒙帝澤終聞豺
虎懾天威比來六計宣邦教西極光調玉燭輝
見說王師下沔陽川雲浩浩接湖湘舟車迢遞關
烽峻雨雪艱難蜀道長廟畧軍聲籌緩急天時地
勢晰微茫輓輸愁對民勞止休息須公一抗章

答友

代

地接燕臺始授經飄然南國到揚舲別來邊馬秋
仍健愁裡江雲暮不停傍闕風迴羣草綠開簾雨
過數峰青思從天祿觀藜火敢望笙歌說轉生

贈吳醴泉虞升

代

結駟長安旅食春飛鳧忽漾彩雲新昭陵載酒徵
文物谷口停車問隱淪隰黍逢年頻作社郊花待
雨劇畱賓連城已自空三輔注目棠歌徹紫宸

贈黎大叅天錫

代

春城曾對兩驂豪客路胡爲滯彩毫庾嶺梅開清
蔭在函關日霽紫雲高筵回岳麓熊羆氣賦轉江
沱雨雪濤今後依劉容野客早從三輔見旌旄

又代

南國風流縞帶才江風嶽路久徘徊雙旄百粵寨
帷後五馬三秦仗節來白雪稔聞嘉客賦彤弓初
漾永年杯况叨傾蓋盟金石注目屏雲列外臺

池陽道中懷元深

遶澗梅應發歸塗柳漸新馬鳴焦獲道人隔魯橋
春四顧孫枝秀雙懸子席珍過從堪永日愁絕在
風塵

祝我實舅初度

弱冠才名起過庭栖栖垂老尚傳經春觴已泛香
醪碧曉閣還憐玉案青亂後小牕營薜荔閒來幽
谷采松苓諸甥一劍貧無似宅相空孤外氏矧

祝明府就別敝廬座上口占

仙舄西來十載餘種花初茂曉牕虛自從聞亂供
飛輓相憶飄囊少定居忽漫絮風吹別路還勞征
旆過吾廬春深楊柳愁攀折省爲君侯一繫車

酬劉俊公都使見候並寄到朱太史錫鬯仲

文學固存劄子

夏木深藏入澗村都君束帶過衡門提封地盡西
陞大樹羽城連北斗尊冀闕五雲通夢想江湖雙

鯉慰寒溫禁中頗牧思方切霄漢搏扶有化鯤

述懷呈郝司馬兼公

疇昔遊中原坦懷恣所詣論交盡詞豪俯仰雄一
世嘉會寧有常夙歡日零替浮雲成澆俗抱拙動
獲戾司馬玉除賓獨敦金石契窮巖取塗賒吐哺
天性銳往者傾蓋初寒冬緼袍敝升階多軒紱與
立竊睥睨讓齒引予前逡巡輒奮袂後雖讌外臺
叨僭恒爲例旬朔淹公榻夜深閣未閉驂驢任叱
歸入廐忘焉稅挾纊滿羈屣迎車親擁篲雙鸞翔
袞稠錦萼照紫罽蔬食踰半生覲顏對甘脆况聞
夫人賢盤豆手自製燈酒猶在眼浩歌杳難繼庸
知指掌星忽作炎荒彗鯨尾跳黔池羽書塞白帝
聖情南顧殷宵旰百憂勵戎旅十萬來疾於風颭
逝朝辭渤海濱夕宿洪河滙秉鉞擬鷹揚監征僭
魯衛車徒會前川赫怒遑暫憩轉粟蜀道長飛芻
周行滯時公專部領水陸並迢遞棧竇上拂雲江
濤臨無際劫兒乘間發蛇虎飽吞噬比及達行營
譙呵聲匪細畧其調護勤仍下使符厲沔口翻頰
波蒼黃失節制歸旌遭陷溺蹈刃絕凝睇仗義悚
羣醜吁嗟爲流涕漢廷追直辭蘇武竟長繫辛苦

賀生還。九閨遮復蔽。功高誰見錄。序調乃邊裔。憶
昨褰絳帷。迂迴訪茅砌。北堂拜老親。供具慚粗糲。
多難敢辭勞。永清申廟誓。斧斨兼畚揭。于役無寧
歲。當宁憫薄伐。緒餘工文藝。虛名瀆宸聰。史席容
補綴。乞養戴殊恩。遄馳藏澗汭。惟公數招尋。倒篋
頻損惠。假蓋寵先驅。開樽煩質劑。相憐頭已華。繞
膝急蘭桂。公負曠代才。洞觀安危勢。民艱迫遠輸。
撲滅須次第。引領俟登庸。臨軒陳大計。一吟垂拱
年。欣覩泰階躋。

送祝明府思益之長洲任

茂宰清風擅此邦。秋天鳥影正雙雙。新從燕邸來
秦邸。便下吳江過楚江。折柳遙分高嶽路。征帆忽
照故園牕。姑蘇名勝饒遺跡。興到時傾白玉缸。
祝楚

人嘗攝
華州

送陳太學視三暫歸慈谿省覲兼呈孫內翰

補菴

霜天木脫風怒飛。太學寓書歛南歸。越水秦關將
遠別。臨岐悵望情依依。爲言老親倚閭久。雖有兄
弟子。獨違征旆向攀隴。上月客心先繞嚴陵磯。宿
昔班荆岐山下。熊羆遮道行旅寡。長嗟羽檄生暮

暉四望烽烟照秋野十載相思好音濶茲辰邂逅

肝膈瀉時危未敢定行藏客路明朝愁復捨此郡

論交轍迹繁平陽昆仲謂開美比平原巖城競樹

雙牙戟陋巷頻來駟馬軒閉戶畱君傾斗酒中懷

披豁更何言寒江蛟龍正潛伏絕漠鴻鵠初奮翻

吾子尚為諸侯客屢聞窮乏出就畫急難任俠見

天性揮手倒筐無所惜惟使到眼得高歌不虞入

門交徧謫北堂喜對萊衣好鄰舍驚看鬢髮白感

黨兼知內翰貧前年仗劍西遊秦與子片語竟乞

養湖海祗今安垂綸憶昨抗章亦得請同聲竊恐

媿斯人中原他日並把袂老鶴激昂誰能馴

寄贈陳母何孺人六表應令子視三之請

慈烏自西來乃在慈水側倬彼何大家清門冠邦

域往聞南康尹高義世競式秀發攬孫枝徽音鍾

弱息十三學詩書十五工組織十八來嬪于威儀

動合則服勞如性成椎布每處抑奉侍太孺人雞

鳴無遺力攝其筦籥嚴頻觀炊澣亟况是桑海後

吁嗟茹荼逼小心上北堂寬譬承顏色甘脆必手

營起居相扶翊中宵績紉備下逮醯醢飭娣姒恒

旁觀君姑宛我即徐徐謝夫子引分安效職惟儉

足垂範博施兼好德家貧願不乖量出望易塞數
米置豆勺推恩通艱食絀羸忘彼已羣從且滋惑

謂毋僅小惠聞言增悽惻而皆義士裔

陳始祖饒
賞好施歲

歉築高樓以望里人絕炊者遺
之粟帛名望烟樓有義士名

續述期無忒忍使

百尺樓遺烟於今熄行仁亦多術豈必論豐嗇尺
寸總波濤江河同所極更知端貴性語笑罕時識
却以和率賤兼容絕傾仄一從稱未亾冰蘖遂獨
克淨土矢厥天齋心齊儒墨嬪姻須將迎尚不履
外闕雖復拂族媪梵林辭登陟膝前三鳳雛閣教
等嚴敕玉樹及芳蘭森森俱衆特為援祭酒公

陳五

世祖諱敬宗歷官大司成
諡文定自云將勤補拙

辛苦痛自刻比部紹先

緒陳會祖諱文
謨尤嗜學

耽吟窮日晷爰能守懿訓大受成

岐嶷龍臥或用潛鶴鳴常久默養親古有道鐘鼎
非盡得至孝懷閔曾盤蔬寧負愚恭逢六袞辰介
賦南飛翼賜杖臨海隅貞輝照鄉國

里人為郭明府像贊

誰揮白刃猝暴於鄉婦子夢夢六人罹殃仇及夙
嫌厥宗用傷死者不言李代桃僵白骨重肉恩湛未央新
之良一訊立辨高縣桁楊白骨重肉恩湛未央新
圖萬年受茲瓣香

受補堂詩卷三
三
唁公廉姊丈喪子並寄女兒二首

久抱西河戚憐君齒更衰珠明悲露薤玉折怨朝
葵客至應門冷塗窮倚杖危孤孫方繞膝勉慰若
翁悲

老病哀吾姊饑寒隔敝廬暮暉延紡績春雨困犁
鋤地僻歸寧少家貧餽問疎兼知捐宅相過唁一
躊躇

送郭明府九芝之達州任十首

天戈重指劍門初玉壘銅梁迥自如萬里璽書恩
徧及一時方岳吏新除東關忽使褰帷去北闕空

聞舉最疎此地飛芻殷未解星軺夙駕轉躊躇

先公大節表西江

觀察公起家真寧
令遭亂自靖江右

尚有棠陰覆

此邦未墜剖符還世世重來飛鳥自雙雙行郊引
雉花迎野閉閣鳴琴月滿窓擬補循廉慚史筆溯
流從爾片心降

詞名夙冠古雲中好會中原有數公入磧綺霞明
塞草摩霄毛羽見邊鴻恒山峻抱東厓雪灑水清
涵北極風一自河汾垂絕緒天憐吾道起英雄

尋春猶識二京天試宰風流得萬年劇邑通塗瞻
四應清曹暇日萃羣賢驅車遠涉荆梁外退食長

吟鄴杜前更說鄰封攀賜履綏笙吹徹大河邊
鯨鯢滇水忽揚波四壁秦關半荷戈自是巖城須
茂宰依然下里有絃歌懸魚署靜霜陰直種柳堂
深霽色多努力輸將酬撫字艱難獨足慶時和
頻陽蕞爾漢時封北枕高山接塞烽自教閭閻能
盪寇執徐夏公躬環甲冑笑登墉勲超郡國三千
里捷首關河百二重近喜蜀方俱奉檄賣刀驅犢
勸春農

南征七載賦同袍遣戍江湖列戰艘物力頻繁寬
歲運民艱調劑晰秋毫并疆相望蕃禾黍膠序於
今集俊髦甫得移官仍遠出邊州爭慰使君勞

詔書霄漢下咸京異績殊恩兩藉榮徧賜宮衣俱
稱體親煩御篆自題名羔羊惟素昭臣節湛露長
新沃聖情漫道荆原容易去臨岐惆悵野雲橫

炎方轉粟困難蘇召父蕭然去此都但使殘疆馳
五馬翻教輦路失雙鳧閒詢黃歇臨江宅亟索文
翁禮殿圖徒倚溫溪思丙穴應緘尺鯉過潛夫

西郊風物黯津亭酒盡賓筵暮獨醒貧久更知離
別苦雨深應逐涕洟零庭階暫隔金莖秀謂長君

邸舍猶憐玉樹青時公孫孟昭隨侍臺閣虛門推令德並

期搏羽奮滄溟

送郭孟昭隨祖翁大夫之蜀任

不慮翁行劍珮孤將車自有鳳凰雛
早擎珠掌憐之子遙侍蘭階媚
大夫棧雨蕭騷遮客騎秦雲肆
兀戀征途他時膝上荀文若
萬里還驚賦蜀都

送何文學鳴高隨外舅之蜀

七載棠歌第不如叨陪賓戚醉前除
頻吟東閣推何遜共羨諸甥得魏舒
岐路忍聞驪唱劇別筵愁折柳條
疎自來通復俱天道佳會還期引邁初

送王復初隨舅之任

炎暑寒生冰雪堂舅甥相對一琴張
畱秦已耐罇罍薄入蜀何辭道路長
丙穴溯流魚北至秋原縹緲雁南翔
君情曲折如巴水不獨秦風有渭陽

雨

大雨行初伏微風薦暮涼
輓輸通道遠耘耔入田忙
絡緯吟何處蛟龍適爾鄉
嘉聲來燭隙散帙有餘光

晴

早起炎威却山居爽氣延
林開明霽景野抱蔚藍天
宿草猶含露羣花忽競鮮
近郊違縱日禾黍正

芋芋

懷開美入蜀用舍弟韻

問別驚春暮，扳歸劇夜分。夏來無好月，江上有浮雲。
水路鼉鼉擁，山城虎豹聞。輕裝遊不易，莫漫賦從軍。

趙贊府不敏見貽詩畫用韻奉答

秋光萬里接郊坰，喜對雙鳧困欲醒。亂世鳴琴聞古調，巖封遊刃發新硎。彩毫初漾關雲紫，丹壑還連嶽樹青。最是哦松多暇日，東堂退食好傳經。

秋日寓青門西郊東萬年明府筠菴弟四首

我李榮條冰雪姿，雙鳧忽照萬年枝。行瞻同萼歡相問，坐愛連柯醉不辭。井稅春深輸輓日，棠歌露湛鼓鼙時。兼聞退食多高譙，縞帶風流慰所思。
雪壓長安萬戶扃，天親邂逅託居停。中宵酌酒來鴻雁，盡日看花對鶴鴒。道氣長凝關樹紫，詞華偏漾嶽蓮青。別來蕭爽憐秋色，重傍南山倚翠屏。
雙澗環厓自結廬，好音迢遞接傳魚。吹篴更待琴聲好，獻紵猶慙棣鄂疎。夢入簪裳攀語笑，愁看霄漢迴躊躇。于今聖主旁求急，紫誥應飛瑞雉車。
騶旆臨郊野色清，紫荆庭宇快班荆。真知陶令能

受補堂詩卷三
九
違俗莫訝龐公不入城大隰秋登三輔稼平田雨
足萬人耕流膏已幸霑桑梓鼓腹兼舒伯仲情

贈郭明府獻素

兩漢崇治術頻陽舊畿縣美田藉平疇山水開禹
甸比詭旣富名哀然西州擅公家非一科督稅每
居先守令古難爲天高疎主眷厥躬萃憂勞牽制
寧得便况爾軍興來飛輪七載見朝騰外臺符夕
下連帥箭棧閣無鳥跡蠶叢細於綫動傾中戶貲
裁致數人饌仰哺惟良牧斯民久暝眩徂征要未
已緩急賴相繕明府海岱邦夙推簪纓彥我聞尊

司馬勲業著使院鎮靜安屬羌宣威雄方面朔雲
倚長城貔虎皆組練偏將達成謀凱旋驟自銜輿
師嗟深入撲救失逐電功罪究不分在廷蒙嚴譴
榜持仍荷恩舍笑着戎弁迢遞烏蘭關戎衣出塞
竈星霜十八秋乃起皇華傳晚握雷都兵樞機詎
所戀詰晨致政歸泉石清飈薦自臥蛟龍鉤空遺
白羽扇諸孫續其武競識文彩綯別駕去沔南甘
棠殊葱蒨史臣憲嶺表髦士風幾變公處昆季中
雋才衆俱羨嗜吟窮遂初援筆輒盈卷畫旃近辭
吳仙鳧會歷汴遙通絃歌聲盡格邑里諺尺璧宜

受祺堂詩卷之三
爭寶兼金更百鍊當階德輝溫忽挂明月片議運
心苦調投艱力能奠微茫洞隱幽拱默臨胥掾名
父謠重睹神君頌欲徧早春陽和發膏露四野珩
愚本耕鑿徒謬登集賢殿聖慈許抗章優詔矜狂
狷是役期刪修肩隨總妙選客孤軒陛知獲奉老
親膳公頃經始日值予薄遊倦將依大厦仁頓覺
林棲宴顛謁愷悌姿寵光蓬蒿賤鄙懷可具陳黔
首聊復忭穀豆幸半入乾坤猶酣戰困亨固常理
消息亦互禮稍待凍草蘇新枝流鶯轉買豚虛道
左應有敝廬讌

受祺堂詩卷之二十三

中南山人荆東李因篤子德著

壽葉太君吳淑人卽呈學憲蒼巖

憲臣懷夙引慈母裘華封萬里江雲合千行嶽樹
重簡書能不畏家慶敢忘恭跂企開筵逮懸娛設
悅逢淑人推茂族冰鑑有遺蹤飭閣純修備牽絲
介福鍾端門初作匹後乘每辭從願託君姑侍真
爲戚黨宗尤憐珠入掌忽睹桂齊胸授讀延方績
蟠膏起旣鐘滿籥能教讓高步接登庸左掖宸居
邇東臺御氣濃承明酬綵筆典禮奏鈿鋒 特簡

受補堂詩卷三
提關輔道驅出禁衝於時鳴大捷在境刈羣兇
帝德通文命詞源振懦慵渭汧波滾滾峩械色茸
茸近者陳鄉物昭然變國容違將違曉駕欲陟限
層峰酒隔歸猶把衣褰去所縫春長添鳳曆老健
却鳩筇競識朋車彙逾張子舍供藹輝聯並好餘
蔭覆編農夾路瞻旌節論交定曰春詩來渾照夜
惠及久噓冬憶過雄談飲新清絕塞烽臨觴頻挾
橋報賦只如蛩踴躍聞遐算紛披瀉寸悰玉山饒
琰琬仙露採芙蓉俯仰因風翼貞光拜七栢

壽邑明府郭公獻素四首

一乞萊衣澗水涯三年長臥遠遊車從公顧復情
何限在野窮愁興自賒餽酒將餘浮柏葉盤蔬亦
遣頌椒花頻占朔雪隨陽候得妥春耕慰大家
遲暮爲園蒔薜蘿每勞旌旆下山阿村荒地僻罇
肴減草碧花明雨露多瑞雉羣飛鳴好日仙鳧接
翼泛澄波看鋤畦圃頻移晝笑聽農夫擊壤歌
黔蜀烟稀輓戍寬我侯嘉惠我人歡時清佩犢皆
登耒歲晏鳴琴適授餐宿火不驚馴鳥跡流陰徐
轉釣魚竿于今偃武崇文治報績應高柱後冠
隴首晴輝海岱通開誠尚樸古人風功曹只覺霜

威凜子弟嬉遊霽色同翠走荆嵐春不住青來河
柳凍初融家貧菽水依慈覆令節欣瞻斗柄東

除夕

歲在上
章浚灘

五十鬢蒼然蹉跎復判年辭榮貧量力困學老知
愆夕火罇鑪外春星竹樹邊團椒雙袖舞笑取北
堂憐

贈醴泉高明府四首

春風鄭谷比堪尋况爲神明慶盍簪地阻兵戈懷
夙好時清絃誦有知音專城真賜王喬履一邑初
聞宓子琴自古公卿多少壯卽君年事一開襟

當年汗漫楚江遊客裏登臨黃鶴樓縱酒長沾公
子醉狂吟一散旅人愁湖山築壘偏多擾雨雪還
鄉豈自繇已剖銅符爲捧檄離居兼慰採蘭秋

仲季聯翩着綵衣

時令季冕
侯得常熟

雙雙騎鶴拜庭闈爭

看吳樹開如錦更羨秦雲度若飛隴月先明馴雉
地江花亦上釣魚磯西亭文酒頻回首愛爾摩肩
棣萼輝

介馬南來道路遙重煩書札問漁樵使君羈旅頻
相憶明府幽期早見招已判聯牀傾別緒翻愁泥
飲劇中宵昭陵山水今無恙暇日還同渡石橋

唐
太

宗陵在
所治內

高方伯欽如遠貽書幣答詩五首

分藩封畧自洮岷邂逅班荆逐去塵海甸競傳郊
壘息關疆猶對部花新南枝何處無棲鳥北澗吾
廬有過鱗遠把尺書懷往事炎風回首一沾巾
征帆偶放涉江吟採採芙蓉歲月深萬里白雲遊
子淚三秋明月故人心梁鴻去國依高廡杜甫攜
家託暮碁此日芳蘭迷楚澤驅車纈佩想遺音
干旄入覲駐神京鼓角黔陽野驟鳴陟屺敢辭歸
路險臨河猶苦陣雲橫山亭霽景開樽及草閣霜
天購竹成不俟還臺吾返旆夢魂長繞大江聲
歸槎曾別仲宣樓旣亦聞君去鄂州憲署客懷三
楚夜藩方天正七閩秋浮雲忽漫乖中道烈火憑
誰憶壯猷見說賜環恩咫尺何時雙鯉更西流
跨鳧公子度關來渤海傳家總異材玉樹江門親
鳳嘯華池谷口走龍媒音書繼綫猶頻接僕馬將
迎已數迴卽對衆賢情一展印須懷抱使君開
采公叅藩弟抵任觸暑來奉先起居太夫人
作詩美之

梁益用兵延七載轉輸天上供多壘江喧棧狹龍

虎鬪風叫雲飛石波滙升斗之粟費數鍾省符臺
胥空相逮漢南度支領郡牧心細如髮才如海行
部爭瞻絳帷高吏皆竦息民不勞於時羗蜀並初
附萬里懸軍聲怒號急運忽焉責漉水殊疆何自
歌同袍叠呼庚癸須前箸連疏 上聞請節旄

聖主恩深重西顧吾賢簡在真異數省書未竟聽
可之 丹詔星馳臨王路謂子大夫總是役輕裝

溯沔還頻渡騰驤長飽劍外師酌劑不加關中賦
憶昨 朝野慶 新綸東臺引領仍逡巡兼程翻
出涇渭道就宅起居太夫人六月炎飈吹廣陌中

塗赤日沸嚴津有懷明發詎憚此將毋一洗皇華

塵旬朔太君迎子舍八摑輿隸肩相亞總戎熊豹

夾前旌

先公爲大將軍

藩伯驂驅歡並駕谿柳枝移不淹

晷芾棠陰厚渾忘夏虛傳左輔借寇恂不減褒斜

思黃霸要地崇牙建上游關河百二盡承流坐來

春輝生綵筆行處明月照吳鉤可但持衡平輓運

要當臥鼓議懷柔丈夫許身自有分康濟安得非

人謀列鼎爲庇高堂飯含飴弄孫齒正健承顏戲

舞繡紱色遶膝旁伸藤蘿蔓我李同蟠隴西根家

貧養缺乖所願與君作頌方吉甫文武期爲萬邦

憲

兒渭赴試下榻咸寧明府筠菴弟西齋却寄
古道通家許過從何如猶子亦登龍東山玉樹親
安石南道青雲附嗣宗幙敞自宜吟戶早籬疎無
使戀杯濃賢愚總自牽人意夢遶清川太乙峰

贈采公叅藩初度四首

東臺車馬漢京塵五月榴花照座新正
值懸弧開
讌席長看散帙對松筠維藩已託川流勢仗鉞方
期嶽降身一自秦風高魯史諸侯皆作小邾人
仙鳧曾傍在原飛漢外棠陰望不違道路猶喧他
輓運旌旄還領舊邦畿風清竹榭開罇合月滿花
階抱牘稀最是賓僚軒紱始狂吟忽有芰荷衣
名家奕葉隴西枝露冕南來慰所思根本計深河
內日轉輸功亞櫟陽時關疆按堵歌初放羽檄銷
除醉不辭入部况叨棠棣久當筵頻賦角弓詩
三年客夢冷青門使者瑤華比過存旅邸授餐容
數住藩亭懸榻喜重溫塤篲靜晝欣常盍雅頌中
宵愜細論我自灌園耕且釣好憑公等正乾坤
叅藩弟新爲大姪娶於岐陽曹觀察兼舉仲
子陪祀還臺再遣車馬見迎率賦五首

晉日天開隴右藩唐興仙李冠中原簪裳自古推
清族俎豆多君合素門鳳翼偏連鴻翼好棠花猶
傍棣花尊追陪強欲酬明義爛醉東亭濁酒溫
嶽路風輕起暮霞周原春暖放桃花正宜公子歸
新婦應助夫人奉大家渡渭雙橋鐘鼓夕如雲百
兩媵嬌車信陵畱客多韋布况託天倫樂事賒
三剖銅符總在秦黑頭公已得斯人裁看羔雁盈
堦至忽復熊羆入舍新門挂彤弧彰祖烈座輪犀
果彙臺紳兔絲瓜魑印須賦勉爲阿戎趨後塵
海浪蠻煙一氣澄中朝詔使展諸陵頻投鉅任無
違諾特介明禋敢讓能千里徧垂金閣露十年真
飲玉壺冰橋山南望崇岡阜漢峙唐園次第登
駟馬星驅下遠臯輿夫轂擊過蓬蒿鄰人亦覺光
輝異使者渾忘往復勞憂旱不須陳折俎解醒初
及傀儡桃聊隨官舍分涓滴溥作平疇尺寸濤

贈筠菴弟五首

京兆烟光帶郭開芷陽春色自東來殿庭初下袞
賢詔關輔羣推濟世才十月咸秦高鳳曆千秋吾
李奮龍媒晴雲有意臨蘭沼每傍笙歌競入杯
邸次蒹葭坐嘯深閒披圖籍轉清陰晨興每訝鳴

珂出退食偏工緩帶吟情至星霜頻改候醉來天
地一開襟底須他訪蓬壺侶盤石宗盟萬古心
百萬之封仙李根東枝西葉許重論潛夫授館長
畱榻使者承筐屢到門讌豆能教蔬食飽爐香已
注鹿裘溫塤吹箎和非難事得附棠花一氣尊
老樹蒼藤露未乾疎籬靜晝出雕盤賓鴻到此流
音好舞鶴來時接翼看長共阿戎欣晤對敢違仁
祖說饑寒解衣推食洵高義况託天親至性歡
安臥西園已數旬却疑歸路曠佳晨筵飛青鳥銜
杯及經有黃花照座頻日月升恒長在體河山帶
礪亦同春階前小阮尤叨愛喜採宮芹獻納新時遣
兒渭
往祝
七夕慰子禎感亾二首

宋玉悲連河漢長逢秋佳夕更沾裳應時烏鵲無
消息懷古銀槎亦渺茫斜月虛瞻仙子袂巧雲愁
奪帝孫襄翻於悽斷聞新曲落葉哀蟬夜未央
節屆星橋邂逅迎伊人獨對轉淒清牽牛負軛虛
今夕老鳳將雛判此生機杼遂同天路杳珮環空
逐鏡花明曠懷聊冀齊憂樂香閣羅幃一水橫

十五夜卽事二首得玕字中字

月在吾廬好秋宜此夜看爲臨黃綺座亦上棗修
盤河漢層波落乾坤一色寒侵階流竹影細數碧

瑯玕

列宿中宵潤清光萬里同遠山明處滿高樹照來
空歛起瞻雲雁幽吟動草蟲更懷題桂曲招隱露
華中

贈汪侍講東川典秦試

皇帝二十載闢門開甲乙屬時駕四牡多珥承明
筆汪子吳越彥雋才罕爲匹自登虎觀來直入龍
門室紫氣垂關中鴻綸被是日朝辭夕就道觸暑

不遑逸曉月明遠樹連山度重驛畫旗繞青蔥飛
軫凌峯嶺冀野依閭闔唐風過蟋蟀岳蓮忽蕩漾
河水橫洄滴東望禹甸舊友邦提封密長安古都
會四代皆宅吉往者滇池亂餘波楚蜀溢王師
詎得已引邁如箭疾沔漢驅接壤秦涼叱狂獠荷
戈藉冰霜吾士寒凜凜子弟列戎行父兄懷糗餼
迢遞越雲棧斗粟恒數鎰竊喜天威震烟氛頓清
謐轉機本廟謨神武難具悉聖主方右文詞
豪競自暱階前干羽舞究使有苗率心膺在公等
進賢義第一漢京紛秀孝周雅衍笙瑟藝苑萃球

琳收名仍責實彬彬披令辭大道兼忠質藉手以
揚庭攀鱗效網畢裒然彙國楨倚佇皆良弼野爽
零白露林疎敞丹橘振衣天祿臺高讌曲江畢帶
郭竹猶存臨流禾似櫛歸舟渭川陽咫尺沮與漆
肯念採蘭人墳笮并可述向陪石渠遊勞送金馬
出諗母歌陟屺君恩到蓬華每持所贈詩蔬食
生芬餽悵別已三秋潛居違造膝雖聞賁旆旌引
領空啾唧當代隆熙運育材有要術臯夔將繼踵
此舉固堪必

送葉督學蒼巖竣試南還五首

使君明發戒車還熊軾銜飈未可攀競攬歸旌紛
載路遙驅征馬不畱關心如清渭三秋水賦比西
吳萬仞山雍鎮吳嶽國語作西吳况託微軀承令德臨岐蕭
索動愁顏

春城桃李媚芳朝駐景扳雲逐去鑣紫氣難迴函
谷馭驪駒忽轉灞陵橋幽無棄草風霜古夏有遺
聲採最饒季札當年西聘闕從公擬補泣麟遙
銅龍金馬御爐寒粉署花階內外看北下青霄瞻
孔翠西來玄圃掇瑯玕乾坤不改鄉三物閎閱應
書漢六官更喜右文逢聖主明良佇和集賢端

崑崙東泛海西波迢迢星輶萬里過地是先王桑梓舊人遊大雅瑟笙多將呼塞鴈長遵渚莫惜江魚不渡河悵望前期懷此別青門風雨淚滂沱清班白首愧虛名諗母蒙恩許退耕關嶽故園軒蓋至雪霜中夜酒杯傾愁牽秦柳歌三疊憶把隋珠照百城公歲除見貽五韻並拜嘉惠尙對鴉鸞詢舊隱好畱烏鳥在柴荆

歲暮感懷呈郭明府獻素四首

澗壑冰霜賦性寒春輝憶傍剖符看躔依列宿光猶渥野盡深耕露未乾蠟炬通城開丙夜屠蘇比屋餽辛盤年豐更值賢明府采菽衡門亦自寬海岱雄風起俊人台司報績首勞臣應知漢史書三異可但齊謳壓四鄰水合漆沮清有色山連荆玉翠無垠欣傳聖主虛台鼎佇立雲霄擁畫輪十載征輸甫息肩三農鼓腹頌堯年懷新隴麥俱爭秀得氣郊花早放妍聽斷才高佳興發登臨情寄野航偏幽人偶亦來城市洗耳恭聞單父絃堤柳青隨雉子舒也叨趨步及堦除蒙公剪拂鳴駑馬借此波濤縱涸魚暖律先調飛舄地和風忽滿受塵廬長分令序瞻名德獻歲安歌水竹居時借

渭兒

代贈紫庭明府四首

鳳嘯東臺道氣尊前車傾蓋憶青門亂蓬競託雲
霄起孤竹長依泰岱根憂國豈皆歸鼎輔策名私
許正乾坤樞衣花縣渾多暇夙好時艱細細論
王路搏扶萬里遙早聞風翮漸摩霄曾憐遊子嗟
垂翼每向同人慰折腰鶴滯山中難自出鳧攀日
下轉須招平生緩急看人意渭水煙光鬱未消
數米京華歲月深班荆君亦待鳴琴行厨十日平
原酒別路三秋鮑叔金永日擁書如虎踞中宵把
劍作龍吟海涵岳峙多詞客披豁燕臺玉樹林
折柳懸思冀北杯東風雙鳥渡關來及岐舊是天
王地能賦欣瞻令尹才聽政芾棠盈道左行春馴
雉傍城隈公餘準擬開懷抱不遣窮途阮籍哀

寄贈宜公公子初度二首

中樞仗節外臺尊錦帶承歡色笑溫長挂彤弧公
子曆早膺丹券聖朝恩還臺方名勲初敘人座應
劉好共敦一水渭川違問渡朝暉引領憶旗門
秋城笙管晝開筵邸第琴書夜獨傳競道生申維
岳重兼知訪逸信陵賢爐香碧欖皇陂水畫炬青

分玉井蓮尚有前期招澗壑論文重醉酒如泉

挺北二兄像贊

貌癯以蒼神清而恂淵然返樸醇乎其醇曾司邦
儀世稱虎臣晚歌肥遯樵牧是鄰昔者吾友今之
古人時雖逢紉道無不伸高柳一株柴桑之濱如
圖丹青不愧麒麟

送宜公公子隨侍內臺三首

旅食城闔耐鬱蒸驚傳軒珮肅晨興蓬茅頓覺炎
威減竹樹依然道氣增幕有清池魚數至山多僻
谷雁無憑南臺報謁情如昨乳酪鮮分玉簞冰
第擁羣書夜色清寒帷緩帶託西京平原座上三
千士小范胸中百萬兵月挂疎桐琴在御杯浮碧
漢劍流精興來操管聞新曲鵝鷺同時作鳳鳴
賓客依劉歲月深別筵無別悵幽尋徘徊風雨疑
天地絕續宮商自古今膠漆宛畱公子德菊格長
照故人心寒雲倘結相思字不必蓮華玳瑁簪

喜制府大司馬陟內臺五首

提封分陝二京身鵠印熊轡九塞津節鉞上游瞻
使相旂常昭代紀宗臣天高東井兼收蜀地合中
原半入秦自古關疆如按堵神州皆仰建瓴春

西樞羽葆未央風百二河山指顧中湛露曉凝臺
樹滿清光秋漾嶽蓮同朝推元老周方叔世倚安
危郭令公杖杜歌來逢飲至麒麟圖畫更誰雄
滇黔蠹爾跳狂鯨憶列丹騶出漢京六郡並馳都
護士雙牙親控羽林兵金符鐵券頒歸較石棧天
梯數去程漫訝秦人顛屬日江湖新月奏澄清
高秋振旅大戎堂屬部歡迎袞繡光雨雪遲歸三
峽戎笙歌忽繞萬年觴洪河本自先江海太華依
然表雍梁且喜鳳毛森介爵蘭階玉樹燦成行
慈輝曾照野鷗羣憶送徵車入五雲自昔時艱多
右武於今主聖復崇文一辭關陸鴻初叫重醉臺
門菊正芬今日躋堂欣展爵彤弓牙帳接氤氳

喜鄂撫軍自西方伯擢中丞四首

兵戈初試巨藩才帶鳥恭聞領外臺華嶽雲連吳
嶽迴函關氣抱玉關迴新秋禾黍頻遺穗暇日賓
僚數舉杯右顧自天紆北極丹青延佇畫圖開
使君專敕憲西州飛指皇華駕赤騶披籍已兼三
內史剖符還走入諸侯黃河曲繞東門障粉堞橫
臨北斗秋每賦車攻嗟孔亟煩公辛苦表主猷
端門法宿紫微前使相平分兩漢年入部風塵長

鎮靜逢時草本盡芳妍煙清絕塞春還住露浹層
霄日正懸况值獻蒲催令節宮衣應着御題鮮
灞陵風雨夢中寒一水青門天上看奉詔久容歸
谷口瞻星今始詣臺端慈烏野鶴情俱得名樹郁
雲蔭自寬但使西疆停輓運衢謠敢謂力耕難

題張天衣行樂圖

吾聞漢初之賢卓彼二張何龍門贊之獨於體貌
致詳司徒則淵然以善丞相乃頎然而長豈真有
大過人之勲名必其狀磊落而輝煌奚爲乎夫子
失之子羽而曾子亦重念夫堂堂吾友天衣張君
蓋清河之苗裔耶而著邦族於頻陽其襟期蕭疎
而朗芳其骨力崑崙而挺昂其行已英爽而雋剛
其與人坦易而直方風流則晉士之逸高簡或聖
門之狂雖抱膝而退藏庶幾攀良以提蒼優游期
頤兮未渠央

趙司馬像贊

驟挹之道氣凝然蓋風流彼美耶靜對之吾使君
也其正位居體耶徐卽之菩提爲心乃洞徹表裏
耶所謂君子有三變得其近似耶泖瀨蘭而佩芷
耶抑川流而嶽峙耶願公中立不倚坐兼二氏耶

自可攀安提萬印手中波如柱而如砥耶

習伯子像贊

頽然白而皙鬢鬢亦有鬚孝友天所厚溫文行不
渝善事太宜人賢聲動大夫嗜古披墳典上庠先
俊廚中懷坦以潔造物偕其徒顏子竟短命嶽靈
珍斯圖

書郭明府屏歌

我聞郭叔文之昭夾輔冊勲於王朝累葉才良崛
復饒流光東海簌洪濤大司馬公挺芳標直聲撼
天天正寥拂袖清颺之罟椒曾孫有美英瓊瑤翩
翩雙鳥下層霄堂上鳴琴調何高種花忽滿頻陽
郊風雨灌壇無敢遭晨興自公渾忘勞吏胥抱牘
安厥曹九月授衣江令袍恭惟懸弧開人豪旣澤
羔羊酌香醪冠裳濟濟歡不囂鳳鳥來翔甘露飄
治如神爵同揚鏹 聖主垂衣玉燭調干戈方偃
吏術超西京籲俊鄙錢刀擢爲九卿風百僚先公
旂常時所褒繼起重珥侍中貂入叅樞要出節旄
躋世唐虞舞簫韶火棗交梨瑤水桃公爲我醉樂
逍遙

序毘陵高君衆偕重輯興安志附贈以詩

兵深雞澤典猶虛忽睹江雲快起予十志宛逢班
椽手三都愁序太冲書寨帷日熾荆榛濶展卷風
清竹樹疎盛代右文勤漢詔茂陵車馬莫躊躇

東郭明府初度四首

客路黃花傍嶽看華封翻阻部雲端珠琴定對侵
帷月玉樹還盈繞砌蘭壁有懸魚秋自靜車迎飛
雉露初團却憐驅逐風塵裏邠籥何絲此罄歡
舊歲茲辰慶盍簪曾隨朋酒慰登臨徵兵轉粟嚴
初解澍雨流膏久益深在野敢忘耕鑿力躋堂兼
慰艸蟲吟郊原禾黍歸凝望省斂徧勞名杜心

三載棠陰比屋同况聞壇坫起鴻蒙遭時多難才
逾壯託興潛期賦獨雄井甸不殊周雅日河渠無
忝漢人功竭來徧覽賢司牧東海洋洋表大風
九月霜清偏授衣還家不獨計柴扉南山義取躋
觥近北闕恩邀賜鳥飛已芑慈芬開棫樸欣瞻霽
景照簾幃立朝門閣先樞府霄漢勲名奕葉輝

補贈趙贊府不敏初度

南國風流衆所宗最憐才子滯花封官閒自課荆
原秣興至長吟漢署枳猶憶塵埃開翠嶂不圖金
石到黃鐘登臺且喜臨觴及應插茱萸照席穠

喜咸寧明府筠菴弟首膺臺薦卽寄三首

百戰重瞻故國春
看花吾弟領棠臣
義聲多唱關河首
勞績還高楚蜀鄰
肆應貔貅如挾纊
初歸鴻鴈自依仁
荆榮近對連枝合
詔發欣披五色新
河鼓鎡收曉露飛
比年關嶽慶垂衣
全銷兵革敷新命
特獎循良眷舊畿
案牘遙同彭澤簡
風雷每過灌壇稀
佇期台鼎登賢牧
岩壑吾甘託少微
五月薰風入會城
前驅敢使後宗盟
桃笙象簟當筵好
竹嶼蘿軒向夜清
地溯西京懷祖烈
人來東海作朝楨
明揚更喜先輿論
不爽心期漢閣行

贈趙司馬連城初度

南山佳氣萬重深
太守堂高接翠岑
玉燭一陽開朔旦
黃鐘六琯動元音
霽霜時染襜帷色
膏露偏明竹樹林
爲介幽歌趨渭水
旗門駘蕩一披襟

贈劉刺史初度

紫閣霜明曉樹初
行來五馬暫躊躇
貧同北海罇猶在
客對西園賦不疎
製錦有年嗟貝錦
投書何日報丹書
使君當代推雄畧
天保還應錫九如

贈華陰遲明府屏萬五首

西京文物蔚相延
華尹風流最少年
邂逅班荆如

夙契雍容下榻有羣賢行郊已足三春雨繞閣長
垂十丈蓮欲起龍門論吏術秦宮漢時互蒼然

雲臺樹接紫陽祠適館陶潛附一枝

謂亭林顧先生

隔代

虛傳提舉祿新宮兼致草堂貲高山流水多遐寄
白石青松付後時卽此用心成獨往紛紛俗吏亦
何爲

十年烽火逼長安萬里飛輪奉戰鞍劇邑種花知
政美殘疆跨鶴歎才難時危禮樂斯人在世正台
衡接跡看吾土民勞君更悉上書無負惠文冠

征車逐處不遑留每過鳴琴慰遠遊已見冉曾臨
宰牧誰云周名盡公侯金天菡萏春逾翠玉井烟
霞市亦幽好德渾同關令喜東來何處問青牛
向平婚嫁阻幽栖五嶽寥寥豈易躋緩急投人中
夜擾行藏感舊寸心迷敝裘衝曉愁侵露饑馬驅
風畏入泥佇瀉香醪懷抱豁猶須仙掌一相攜

爲筠菴弟題所藏黃大癡谿山無盡圖

窅窅曾雲萬叠姿森森老樹接榮枝那能躋險尋
幽去行到仙源花發時高士烟霞恒自得放懷丘
壑信吾師風流博雅賢明府展卷悠然豁所思

徐子猶再惠詩畫賦謝二首

長安重作在原遊近喜邊聲息戎樓夙契得聯徐
孺榻虛名殊愧李膺舟棲遲籬外黃花晚坐嘯天
邊白雁秋未有紵衣酬綺帶江雲嶽樹澹生愁
寒城羸馬去安之偃仰西園有所思彭澤對琴恒
對酒右丞能畫復能詩青門每見淹旬朔白雪難
賡歷歲時久旅春懷雖不次風霜莫點鬢間絲

單紹衣見貽畫扇却謝

三秋風雨綵毫端萬壑烟雲掌上看系與原劉書
貴子人從燕趙入長安重來冬暖籬花及接座霜
晴竹葉乾捲幔翠微開遠嶂高人更借寫層巒

終

受祺堂詩卷之二十四

中南山人荆東李因篤子德著

贈陳碩公

多病相如客裏身偶來藉草問征輪偏愁越鳥鳴
高樹最愛秦雲似美人名杜欣攀花萼影陳徐宛
對鄴園春城南烟雨饒名蹟有興仍期一問津

壽郭金湯先生題榴芝四首

北郭先生有道家柴門不出臥烟霞蟬聯第宅遺
親串躩伏乾坤老歲華石上孤雲高士枕園中五
色故侯瓜年年玉露團新釀客醉東齋月正賒

受禱堂詩卷三
四皓何來貺紫芝蟠根芳樹已多時蘭幽誰解黃
圖瑞鶴老同添白髮姿香蔚九秋貞晚節慶分三
秀兆佳兒療饑底復臨流水虬結嵐凝豁所思
白社飄零起暮霜憐君如對古靈光多男堦下榴
花異大隱山中桂樹長間氣氤氳融石髓仙人服
食授丹方不圖關輔兵戈日猶見西京芾珩芳
剖橘空傳敝奕枰餐芝聊復慰躬耕衢連魯衛名
猶在系託金張傳未成南極每依芸閣好少微偏
帶草堂清何時婚嫁吾粗畢杖履相攜五岳行

贈司馬郝公時兼攝同州五首

暖律先吹左輔春晴光忽轉北原晨勞書兩郡恩
猶後篆借孤城績更新曠古雲霄凌孔翠熙朝殿
閣待麒麟蓮峰託賦情偏切雒水何辭屢問津
馮翊符分漢闕東鼎臨京兆右扶風時移久圻黃
圖大檄攝初瞻赤紱同碧樹來探冰雪裏青鱗憶
對月明中璽書遙注秦諸牧惟有龍山司馬雄
早閉清谿萬壑愁炎天徒步禱高丘四鄰郊墅虛
占雨三夏州田大有秋更值休兵寬輓運還看閉
閣議懷柔招尋夙駕光潛德半面能空處士樓
清署蕭然退食吟竹書高擁夕陽深羣公帶舄還

關輔太守官商自古今斷策長留滄海事貞珉獨

表雪霜心

公於同州烈士逸人俱豎新碑

知君用意者殊絕不數

龔黃兩漢林

夙昔論交總盛年中塗出處一茫然尚存肝膈貧
相問虛擲韶華老自憐縱飲惟謀良夜榻繁文不
上醉人筵獨詢閨閣熊羆兆何日明珠掌上懸

送采翁弟之黔中臬使任五首

秋清詔發五雲端日射臺霜萬仞看漢使剖符臨
絕徼潘輿將母出長安經過驛竹皆生笋忽復江
魚競躍盤好助維新開蕩滌要荒仰識聖恩寬

黔陽古是羅施蠻况集貔貅始靖姦敢謂鬼方非
赤子欣逢文筆在青山天威遠攝櫬槍靜法宿高
懸貫索間特簡帝心知有日中原持節待崇班
堯舜垂衣想帝廷五臣吾祖著明刑共推奕葉光
蘋藻兼喜摩霄對鶴鴒萬古心源留掌憲三秋淑
問本傳經愚衰引分安樵牧定有賡歌鼓腹聽
東臯春色近吾廬載酒攜琴興不疎領郡遙貽謀
野賦分藩頻稅自公輿亭花解放皆同萼樹鳥和
鳴亦並居把臂相依更十稔魂消津柳唱驪初
數醉青門夜月圓生憎此度是離筵猶分常棣雙

開色忽送征鴻萬里天嶽輔情孤愁不次湖山道
隔意茫然南來信使山中少莫惜音書宦邸傳

送漢九姪隨侍黔陽

青門袞袞對吾宗邸席勞勞愜屢供酒瀉竹林相
望及棋翻山墅不辭從琴書每合褰朝樹劍佩時
聞蕭夜鐘最喜高堂能健飯含飴何用負鳩筇

送張通叅恕翁補官之京師二首

柱史名高獬豸冠霜飛白簡晝生寒論思已半乾
坤得出納遙同日月看自臥東山秋屢改將趨北
闕露新團端門舊是翱翔地紫誥重來五色鸞

乞養蒙恩四載餘明公湯沐對山居開罇每引裕
風至拂塵難教竹月虛已見旌騶鳴首路猶煩軒
冕過吾廬慈親老年來亟入覲從容奏玉除

贈友

出谷曾聯着屐痕重來時序判寒溫吾家轉掃江
西榻有客能登雒下門劍氣中宵凌碧漢詞源萬
峽倒青罇連枝更憶燕山玉塞月關鴻醉後論

張母李太夫人挽詩五首

玉露金閨湛碧梧丹旌素旒引蓬壺真看供帳三
台聚更對衰麻萬旅扶恩浹雲霄沾化鶴地連豐

鎬問慈烏步欄登閣窺西表
婆宿空懸夜月孤
任似風清江漢秋
夙持蘋藻佐元侯
甘辭偕老羞
多壘銳勗專征捍上游
太岳遙同華表樹
澄川曲
遶墓門流紫泥黃壤幽難隔
差慰名卿罔極愁
閣教森森啓鳳毛
鳴騶迢遞敢辭勞
几筵恭接喪
途大松柏徐攀隴
樹高擗管進銘三輔
俊當車執
紼五陵豪
吾儕子舍聞遺緒
繡紱光聯敝緼袍
卜葬春秋故有程
諸侯五月至同盟
晉家易經原
從變韓氏高原早
自行列戟塞帷瞻
備禮淒風楚
雨助哀聲
龍門著述悲前哲
塚下徘徊萬古情

匹馬寒侵渭水霜
慚攜雞絮弔斜陽
萱開尚戀三
秋色菊老偏留九月香
胙土豫如封
土兆維馨長
發寧馨祥謁來鄰里
春無和鍾郝
徽音世不忘

淑人在堂

寄沈宮詹繹堂先生三首

代

青宮東望彩雲遙
紫禁欣瞻玉燭調
曠世生才推
亞相當軒授簡冠
羣僚前星迴帶金門色
少海長
疑乙夜潮綺角定儲何足擬
伊周先後共揚鑣
城南韋杜漢時村
憶昔鳴騶下葦門
岳綻曉蓮供
作賦池明春草待
開罇人琴不使睽
鴻雁縞紵頻

勞及犬豚撫事蒼然追既往泥塗空感信陵恩
躡屩前秋入。帝都尋盟猶似在江湖違攀驥尾嗟
予仲借託葭苕保是孤音比瑤華煩屢及質慚蘭
玉荷相扶知公旦夕登台鼎夙好臨風困欲蘇

送王方伯茂衍分藩東川五十韻

使君關岳秀三十正藩方左次才空老中原亂未
央臺符膺絕漠 帝眷昇殘疆蔚跂秦峰峻艱難
蜀道忙維時連壁壘所部攝庸羗久宦終垂橐炎
天忽理裝姻盟懷莫展里社憶猶詳弱歲聞佳味
諸昆總擅場驪雲徵異色渭樹鬱騰光競掇詞科
早先鳴畫省郎西曹多健賦北闕少同行妙擢簪
纓選真知琬琰良絃帷褰 輦轂青史軼龔黃日
曉吹齊練烟清纈楚芳海隅分陝及天下采風強
播澤如流水行春有芾棠豎碑隨地頌遺蕙到今
香序爵嗟翻覆酬勳付渺茫載瞻新羽葆重指舊
湖湘否泰人誰料浮沉事亦常撫塵追去轍攜手
繫征航好會能餘幾驚魂敢暫忘池波衝詔外戍
火逼黔陽雨雪侵羈客干戈隔故鄉思歸拚孺子
破險急高堂警夕深籌箸窮途更解囊交情憂患
得國勢絀羸張庇俗權紆禁懸軍蚤聚糧安危窺

物表處置晰毫芒屬郡俱蒙益佳兵轉降祥廟
謨宜遠鑒輿誦豈全荒那謂移薪者翻悲爛額旁
旅居饒忝竊家食久扶將贈紵承來問投桃辱報
章村廬違數井造訪涉層岡把袂騷愁釋論文意
氣揚鶴書慚附驥柯牖玷聞篁欲使謀宮室胡然
舍棟梁排閣仍諗母染翰畧褰裳博愛矜迂拙孤
蹤信激昂經營周瑣細洞達見肝腸去戴君恩
重歌從戚黨長別離頻送月毛髮漸催霜昔覺蕭
疎是茲虞跬步妨祝融災合殿飛魃暗崇廊搏挽
何臣力賢勞公等當牙州憐五馬刺史德維桑公
節達州州牧郭侯宰富并直官初調相須美愈彰
平有惠政卓異遷是官屢詢輸棧粟遙疊祖筵觴佇望登台鼎民艱啟
御牀

代寄吳彥焱觀察

彼美生京國先朝簡從臣初傳中秘草遠沛北
庭綸振藻留丹陛含香對紫宸賦推題柱客經逮
考工津曠漢期終展滄溟庶已臻鋒車趨楚岫羽
沛及河濬萬里飛輪闊三羸坐權馴省材雄武庫
天眷沃征輪仗節資觀察提衡邁等倫豫章浮日
動匡阜采風親健足皆思騁潛輝總待珍江湖懸

皓鑿歲月轉洪鈞去識鐘鏞晚歸瞻棧樸新暫棲
光彩服徐立傍蒼旻鼎鼐承歡最笙歌卜夜頻循
咳躬自得捧傲事相因况復承高義繇來託大人
壯圖欽忼慨耆俊領簪紳甲第迎雙闕年華過七
旬含飴疇昔齒耀馬向今身有弟俱邦秀爲師載
德淳寧家何冉冉致主各彬彬宦學誰爭述淵源
不具論往時燕市酒予仲國門賓警效猶同氣橐
鞬屬後塵名山分努力古道有傳薪却憶皇華詠
曾臨清渭濱宣恩經朔漠訪舊接松筠獻紵羣賢
共如蘭小子均墳篋忘別管雨雪狎長茵下榻俄
經月連鑣又幾旬耳提汾水路囊剖社湖春感故
嘗回首哀時忽愴神在原中斷絕謀野獨酸辛匍
匍械書痛艱難解賻真襟含施瞑日文翰照貞珉
勒骨兼生死聞風到里鄰銜環空激切報玖復逡
巡所惜孤危子惟私頌禱辰我公愜輿望應早畫
麒麟

舍弟生日次子禎先生韻二首

時長至
後一日

出處吾何據窮愁爾自寬朔鴻雲外得池草雪中
看今日逢陽長潛居保歲寒丈夫弧矢志遲晚更
加餐

飲水貧家樂承顏老母慈那無團栢酒同泛采蘭
卮花萼開相並壘篋和不辭此歌先宋玉長媿鄧
人爲

虞廷

虞廷廢共繇遂舉十六相拱已復何爲皇風還揖
讓後王崇繁文淳樸道日喪不有誥誓作斯民希
吾諒

亭林先生寓曲沃臥病小愈走書相聞卽遣
使起居奉詩五首

雙屐遙憐掃徑疎朶雲欣奉杖藜初雖空藥物頻

辭餽不苦呻吟減著書鴻雁分飛聲遠及雪霜高

臥歲將除詰朝河外圖傳史齋宿中庭拜所如

澗樹東連岳樹深先生前寓華陰相思北接太行岑蒹葭

儻觸居關興蟋蟀偏工入冀吟世易繁霜應有道

天留碩果定何心晨星落落長蒿日忍使尋盟負

斷金

王路風流縞帶長霸圖聊託晉初鄉遺音西國思
千里老眼中原淚數行春逼夢隨池草綠臘殘清
引閣梅芳曾論徽祀虛籩豆許傍新宮自築堂先生

有約居雲臺
觀朱子祠內

水凍河梁客未還教人雨雪怨空山難同受性松
根勁更羨從飛雉子斑到處青藜恒照夜何時紫
氣復臨關耦耕不忌臨岐約南畝桑陰竟日閒
五十知非似醉醒柴門寂寞晝長扃古人何可欺
毛義吾道將無媿管寧幽俗好風吹舉趾漢時明
月照傳經鳴車整旆西歸日戶外寒融柳色青

康大孟謀貽尊外舅路振公先生畫幅見訪

並辱贈詩用韻奉答

澗樹風微始聽鶯佳晨有客扣柴荆曾貽綵筆烟
雲壯更讀新詩冰玉清草榻中宵浮濁酒田家浹
日茹藜羹與君俱展南陔力愁對高堂白髮生

慰表姪孝廉君讀禮

悠悠逝水絕還波比歲悲君廢蓼莪古制抑情須
中禮鄰春含戚罷聞歌新栽隴栢成猶未擬補笙
詩近若何所願乘時崇令德相期不但掇詞科

鳳翔贈曹太守冠五五首

三輔同躔控帶雄史臣今借右扶風興來懷古周
原上長日行春隴道中雨磧紛紛舒岸柳晴洲一
一度關鴻兵深歲儉憂方急土俗忙歌獨見公
紫禁曾傳綵筆豪丹楓歛帶白雲高

公自庶常
出西曹 褰

帷江外新戎馬叱馭岐陽舊羽旄偶憇棠陰皆有
樹閒栽橘頌半離騷雖知羅漢無名欲自許 恩

綸慰積勞

公三任太守未調故用苑咸贈
王右丞應同羅漢無名欲之句

回首青門夏日遲使君騶導近蓬籬猶憐傾蓋星
軺合忽復班荆晝漏移海內故人違出處朝端仙
侶曠心期卽今弧矢開公讌碧草金沙坐更隨

霜雪羈栖澗水涯感君錫類有瑤華隔年初涉咸
陽棹臨部遙看太白霞祕省論才兼出牧淵源爲
郡卽承家東湖已據端明地俯仰風流萬古賒
洗馬調弓處處新西疆甫得浣征塵猶瞻桑梓先

王地况對鶯花故國春寒盡渭川連繡幕野明吳
嶽挂雕輪頗聞關北頻流羽弘濟還期仗鉞身

東鄭副戎復菴二首

時清漸識故園春戶外鳴騶訪釣綸自合右軍工
墨妙誰知新息是詩人恩孚鸛鶴安巢久令肅貌
貅入部馴莫訝攤書長秉燭近愁西北有風塵
春深風雨滯岐州憶昨招尋一溯流紫翼撲簾罇
放色滄波環砌坐銷憂輝輝劒氣攀雲上淡淡爐
烟抱席浮北極預開麟閣待英姿何似冠軍侯

東任鳳翔明府覺之二首

歲暮傳魚兩澗東春明秣馬過岐豐符分漢索黃
圖大地盡周原赤縣雄到處桑麻含宿雨相聞絃
誦遶遺宮棠歌未冷看西極一體循良報祝同先尊

公向為洮岷副
憲西土猶懷之

最愛幽人水竹居晴窓醉臥卽吾廬裁隨折柬來
城市恰對鳴琴汛掃除佳日蟻罇融臘雪故園芝
草佐盤蔬卽君池閣多幽意敷政優優錦未如出時

臺產
磨菇

送表弟子衛隨侍十六舅氏之蘭州

草色青青柳色寒春風匹馬上臯蘭始平南道連
車出幼度東山接武看絕塞忽聞行役苦中年更
使別離難在原兄弟多相憶預指歸鴻一罄歡

二月二日張中翰稗恭招同宋大子禎遊漢
頭洞瞻孫思邈先生祠却尋鄭白遺跡承
示田園諸作時令子暨幼孫各一人侍飲
河干卽景兼述別懷六首

古廟臨青嶂春壇繞畫旂步隨芳草闊來及杏花
飛亂世安招隱興王聽拂衣北門殷薦路馳逐巷
人稀

水脈尋源迴郊畦舉鋪多雙渠有秦漢萬頃接關

河社鼓寧嫌劇邨醪偶放醅涇流憑指點更許茂
先過

久說躬耕賦初分雜興詩海山流羽後天地灌園
時著膝憐文若行觴命叔慈輕颺吹麥秀飽得餉
東菑

解纜維揚暮班荆谷口春才嗟違出處老覺重交
親野幕紛留客山斂遠降神十年揮別淚翻闔大
江津

夙好存無幾前期鬱未酬在維揚有山暫教佳地
居讀書之約合重與故人遊白日搔雙鬢清罇墮四愁底須辭
斗酒溝水悵分流

旅陌紅塵驟危崖翠浪層躋攀舒老眼坐嘯挾良
朋俗情河渠畧禪尊棟宇增卽君頌高議文獻足
吾徵

家五兄宅對海棠有感時五兄
在蜀

舊榻春仍下新枝雨漸融屬杯懷並萼搔首問歸
鴻倩逼穠花剖嬌憐沓蒂同美人天末去庭樹爲

誰紅倩讀
如舊

霍憲曹邨室齋中賦海棠

副相明農豎佳辰煒萼飛夜珠銜自照羸女醉忘

歸霽景迷丹壑仙雲撲繡衣跡高聯步武曾不怕

霜威

尊先公大司空曾總臺憲

咏海棠二首

淑管吹寒盡仙株染露繁妍風開畫帙紫霧接晴軒
禁掖深移影蓬萊秘問源會心時一醉奇賞欲忘言

麗日來無數朱顏望不羣盈盈臨戶牖矯矯絕塵氛
抱蕊雛鶯出爭枝語燕聞雨花紛著樹天女爍如雲

初晴看海棠

宿艷流新雨朝暉散海霞共嬌千萬萼微放兩三
花惜暖心無競含滋色獨賒人來休妄採倩寫碧
窓紗

不離海棠遣興再賦

緩命晨葩吐酣分晝燭燒晴虹圍碧葉火齊隱榮
條海雀春相問江妃醉可招浹旬憑恣眼身近赤
城標

齊去聲

張子遠先生招飲卽席賦海棠二首

衆卉紛葩始靈根絢爛齊林輝通茜幕野老慰幽
栖嗜飲來饒笑逃名對欲迷柴門過流水擬築浣

花谿

不識珊瑚樹渾翻翡翠文懷春工表色著雨耐留
醺帶鳥隨仙侶乾坤到綵雲羅敷年正少紫綺織
爲裘

花朝前一日張又韓雲七兄弟招集述園卽

賦觸目六首

出市邨烟妙沿郊野興新肯堂成別墅攜手逼佳
辰竹葉耽留客桃花不避秦已酣麋鹿性徐問薜
蘿春

屢接談經地親瞻樹德家高樓先受月曲徑轉逢
花案靜生幽草欄虛走暮霞更須流水至添著釣
魚槎

嗜古明三篋論才得二方臥看紅樹近心繞白雲
長祕閣書兼致延津劍久藏前楹存手澤築鑿事
難忘

託履寧辭閣爲軒喜用踈洞陰寒右个槐影帶前
除坐眺開罇晚淹留下榻初藥欄皆可賦多病媿
相如

數訊墻東竹疑開渭曲圖修根凌碧漢摘笋啖澹
夫自覺干枝好誰堪一日無芳朝垂玉粒取哺鳳

鳳雛

酒瀉春林翠藜燒丙夜青巉巖留片石放曠接孤
亭謝屐施初暖何園許再經明歸遂岐路未忍宿
醒醒

無燭嘲宋大

時寓北寺

借績何人事燃膏累夜空趁眠憐落景高枕合衰
翁蟻泛長餘綠螢飛肯暫紅佛龕饒宿燄君自怯
春風

東霍邵室四首

烏臺霄漢一鴻高豸繡新恩起鳳毛惜別嚮攀岐
路柳逢春初綻故園桃長林藉草饒佳蔭竟日開
樽對濁醪跋馬過從幽意愜風流還壓五陵豪
燕山旅食歲蹉跎雪滿花深許數過鄉里簪裾叢
緩珮紫衢星月散鳴珂輕裘敝褐看同色綺席雕
欄醉放歌義重古人懷一飯潛期况入渭川多
臨池每歎夜窓虛倒篋能分鄴架餘遂有子卿疎
照坐誰教毛穎歛同車牙籤緗帙圍高枕乳燕啼
鶯喚敞廬咫尺歸心牽卷冊花郊嬾逐漢諸渠時
古書筆
墨數事

絲羅已附阿戎家仕宦浮沉有歲華爛醉憶傾京

雒酒狂吟曾泛曲江槎主人雖出來看竹休沐無
多學種瓜乘興時時移坐嘯漫愁階石暮陰斜

酬劉喻人太守三首

臘色延春酒幽期涉黃庭醉臨嘉樹傳狂託少微
星紫燕紛巢屋丹雘自授經兵戈移更滿畫戶合
長扃

紈扇貽新句花朝帶好風愁論爲郡苦晚識賦詩
雄在野能憂國經年不入公陽春就古調未有和
人同

坐並斑衣好池流翰墨光披帷人始見閉閣晝偏

長密契同涇漆工書必晉唐寸陰知自競揮灑潤

餘芳

時見二子
貽字扇

周長伯請題穉恭畫卷畢却贈兼憶令叔川
督彝初先生二首

昨客從公子披圖對舍人燕窺花檻熟鶯奏酒杯
新綵筆酣移興滄洲老入神平原卽豪舉未涉此
幽津

夙昔長安客同留使相家孤城危置卵羣盜亂如
麻遏末逢岐路應徐泣暮霞山陽誰弄笛遺恨繞
三巴

寒食

異縣逢寒食移旬對濁涇野連秦時碧山擁漢陵
青掃墓疎蘋藻攀松仗鶴鴿東阡曾得誌不媿介

休銘

顧亭林先生
向誌父墓

有懷南園桃樹

三月桃開後吾園樹樹新春風留好萼把酒待歸
人地僻翻知漢花明不出津耕餘更培汝歲歲有
佳辰

挽王司勳公篆菴先生兼慰又陶世丈大襄

畢近體五首

惆悵京華邂逅年與君長訣是離筵每懷秋月同
山宰翻走春風哭仲宣仙署孤藤虛拂座故園修
竹冷隨肩蕭條含飯身猶缺白馬爭鳴旅櫬前

三錫殊恩駕六曹使車人訝侍中刀

部郎出按事
用漢人自公

始從臨嵩少多芳樹

典試
中州

所至江湖盡碧濤水驛

張帆風露積山亭秣馬雪霜高聞喪去籥今仍古

玉几咨嗟 聖意勞

祭酒為文表俊才

王阮亭
作墓表

司封同舍灑餘哀

劉怡
齋作

傳三春碣石孤鷓上萬里滄溟一雁來縞紵依然

親玉樹人琴何處問金臺謬承授簡存疎拙

屬子
作志

銘慚附青雲首重回

公子憂傷二載餘爲公謀定百年居當時賓客添
新隴隔代松楸茂舊墟秀攬慈峨名接跡光涵清
渭兆克閤九京可作應含笑不使前坊俎豆疎

先葬

人墓次

華表新瞻栢樹林執交零落淚盈襟高山流水徒
空到細徑穠花各自深絮酒郊原蒙夙講招魂京
雒有遺音西歸會假安豐力古道徘徊日暮心

宋和無燭再貽詩解之兩用韻二首

卷帙思藜杖盤檠賦子虛爾寧戀蝴蝶吾欲罪蟾

蛛若木愁移海明珠喜照廬

時令子侍

清心通屋漏况

近白毫居

道扼傳薪盡禪幽面壁同古人不卜夜君子固堪
窮臥妥雙林雀音歸萬里鴻酣歌偏矚晚莫慕竹
林風

東周納言二峯先生

二疏風流何處尋明公頭黑早抽簪幽期花徑春
能掃敞席松軒暖自吟座接芳朝容散屐杯酣靜
晝換鳴禽蒼生未許東山臥赤鳥長懸北闕心

酬別子遠先生二首

九成遺帖挂流蘇更出同時好畫圖時並貽唐掇沈用賓畫
贈渾看瓊玖似留吟可當紵衣無先朝弓劔腸猶
熱旅邸丹青興不孤便擬攜歸塞曲謝良辰把玩
慰潛夫

少壯行吟三十年相逢鬢髮兩蒼然當春桃柳羣
爭色帶郭松筠伴醉眠塵垢何顏論白社酒狂搔
首問青天知君未冷乘槎興落日離津萬慮牽

大將軍靖逆侯張公八
觀詩十首

居延形勝五涼秋少傅中朝倚壯猷坐制羗蜀惟
鎮靜遙清烽火敘懷柔東來地迴皇華合北嚮天
高玉露流一自汾陽勤奉詔羣公競識主恩優

滇池白羽耀關涼共賴元侯保漢疆雨雪先驅珠
勒馬貔貅爭睹綠沈槍宸謀密敕頒巖塞祕果
珍禽出尚方此日九重親入謁恭承溫語晝陰

長

蓬萊闕對武英前特典酬庸有賜筵轉戰寧
知臣力瘁趨朝偏荷聖情憐應加几杖叨殊
寵蚤振車徒撼極邊閣下舊嘗霑讌席神京迴首
綵雲懸

牙開都護玉門東地盡瓜沙部曲雄北極久紆西

顧慮中原長奠上游功麒麟圖畫光朝野帶礪河
山誓始終欲泛浮槎凌絕漠將因歸旆涉崆峒
崑崙萬里接烟濤節鉞孤城擁塞壕每有賓賢陪
羽獵時臨鞍馬託風騷江河轉自朝宗大葵藿渾
忘向日勞左掖朝暉新絢綵欣瞻宮錦易征袍
戎麾昔徧海山分冊府頻書靖亂勳自列上台趨
帝座何煩太史考天文金戈曉掛蕭關月鐵甲秋
生渭水雲漢武雄才初振旅嫖姚獨冠六將軍
曾占河鼓漾西陲屬國弛弓影漸隨謝傳經綸兼
治亂裴公中外繫安危諸郎已佩崇臺綬列校多

塞大將旗却憶承邊心戀闕星軺忍使朔風遲
輕裘緩帶宿登壇羽扇綸巾數據鞍借箸援桴諸
帥聽磨刀草檄萬人看前旌刻漏馳楓陛別墅驅
車過藥欄故老笑迎留對酒依稀身在翠微端
漁樵皓首竊虛名俊乂清塵媿此聲下駟謬分公
子盼高山深景丈人行君門烏鳥還容哺子舍榆
桑迫至情人覲從容或訪落莫教遺畝負躬耕
櫂槍初靜曉霞飛拜疏驚聞屢拂衣體健常宜湯
沐早時平無遣戍防稀彤弓旅矢恩猶備華嶽黃
河望不違欲賦幽詩當祖席東郊零雨待公歸

車馬

受祺堂詩卷之二十五

中南山人荆東李因篤子德著

哭顧徵君亭林先生一百韻

朝雉初零露浮雲忽障天史無正月紀星脫少微
 躔一代摧梁木千春恨杜鵑典刑今頓墜文獻爾
 俱全際剝哀吾道瞻仰失大賢渾思焚著述未忍
 沒周旋勁節堪追溯名家敢溢傳門詳吳郡後望
 芑武陵前畫省基藩牧彤毫珥御鈿鍾靈簪紱第
 比美孝廉船先生曾大父自方伯陞閩閩窺芳矩
侍郎大父贊善兄鄉舉
 詞宗起卯年友兼鄉國盛聲挾俊厨駢少登勝地

頻交軫。留都幾著鞭。銜杯才最逸。擗管賦誰先。吐
 納蒼江麗。招尋紫陌連。同過遵石渚。獨步採香荃。
 競睹潛修洽。徐教懿緒延。遭時傷失路。振翼爽乘
 權。上客逍遙久。佳人契約偏。徒勞殷密勿。莫與救
 迤邐。海涸龍虛碎。山頽鳳不還。難求雛翮好。漫惜
 領珠圓。剖血探危躅。攀髯少並肩。鼎湖仍問渡。喬
 嶽遠懷仙。信宿寒郊址。恭圖寢廟塹。為孝裝潢勤
 更肅。拂拭對增虔。沐髮嘗辭舍。傭身偶就塵。北來
 馳險阻。北謁十南嚮灑潺湲。瑯琊詢遺迹。荒圻拜
 故阡。湯孫昭穆萃。漢祖壁壘墮。歷歷捫松檟。兢兢

執豆籩。金楹澄有赫。碧瓦秀含煙。灑掃甘從事。勳

華恥讓鐫。著昌平山水記特書森具體。凡例發流泉。古兆

原分立。斯文實創編。班揚愁覲甚。左馬色蒼然。自

此淹羈旅。餘齡肯棄捐。經搜墳典濶。世譜仡提懸。

似欲超吟詠。何曾叩偃佺。雄心灰弗已。績學勵相

宣。逮夜隨燒燭。長征亦費研。驅車攜竹笈。入肆展

霜箋。疊案皆親注。盈牀益勉旃。纖瑕攻琬琰。所論多摘

古人細字炳丹鉛。取誌惟徵邑。著利病書必欲盡考縣志遺聞

迴。匯川訐謨周。利病往冊賴。刪詮屢易猶。藏稿通

行。且待緣昌言。昭日錄。著日知錄暇力正詩篇。著音學五書

轉叶音何陋葩騷韻累遷爰稽三頌始盡洗六朝
 愆憤樂忘頭白遨遊任足穿觀恒趨裔塞踐灑涉
 層淵積雪貞珉皎厓藤側蔓纏謂宜輕權楫翻喜
 跨鞍韉到處逢迎備臨岐指顧牽公卿雖倒屣車
 竇每安絃鄴架抽光數郇厨領味專兼食不晴嗽裝
 澹澹素魄坐娟娟桂辣寧知老松踈那受憐刊垂
 資祖籍把贈解囊錢晚結菟裘計將除蕝藻田隰
 苓聊近採關阜儘高褰旬服羣推首邦衢舊象乾
 王風留黍稷伯畧杏鷹鷗遂逆洪河浪因窮太華
 巔臺祠洵曠舉因朱文公會主館縣宰得循員陰華

令遲君任其事濁俗多崇墨豪耆半雜禪迷津煩

亭林歿遂陪享極助出谷仗陶甄漸覺嚶鳴侈俄開霽景鮮盍簪

要奮激傾蓋及狂癲縞帶曾貽晉先生初同曹司

余于陳使清觴再集燕嗣飲龔宗愚蒙沾善誘等

君席上列荷區銓謬許私盟牒頤期軼草玄深恩鴻鴈僅

暫別鯉魚聯卜宅推中表寓表弟披帷共醉眠頗

耽亭水潔遲眺徑花妍匣劔舒悲嘯堂琴寫靜便

縱談衷曲盡遐寄物情蠲鬼微喧飛檄神州滿控

弦縈腸彌悵望叱馭復翩翩積歲兵機稔中宵客

慮煎匿形乖辟穀覘夢罷迴畋憶昨登嵩少悽其

俯澗灑凌晨謀稅野決意謝歸舫抵絳依重郭去秦

居曲沃誅茅假數椽泣麟微旨在哀鳳託終焉臘杪

纜呼走遣使往訊起居冰嚴薄餽綿報章驚絕筆晨起承報余詩

二十四韻夕卒幽怨屈空拳耿介標孤性忠誠冠八埏末

繇賁志展疇使抱疴痊彼網欣逋鶴維巢訝類鳶

心休沿板蕩日視為戈鋌恐逸陽秋撰須存卽次

擅外甥俱雋哲謂三徐公司寇太史相國猶子已騰騫令好中翰君洪

善幸接傍陰茂當提主器儻聖途湮豈斷儒術衆

疑俊鏡具睽峯壑生芻布几筵輒旌悲浩漫墓樹

想葱芊直擬歌黃鳥真應駕白蓮招魂稱至德陟

降蔣山邊

憶亾友陳使君顧徵士兩先生三首

頽川頽入夢吳郡罷傳書諫鳳愁違往潛龍鈔合

初好春胸悵結中夜涕漣如自奪千秋契蕭條兩

鬢疎

二君不可作孤客竟何成海嶽包纖細文章託死

生金沙公讌曲縞帶故人情颯颯憐春雨長空一

鴈鳴

老來更戎馬天下少知音不惜牙絃擘真愁寶劍

沈此身悲獨步公等慰幽尋寂寞人間世誰為梁

父吟

卽事再別張宋二絕句

張衡心事晚多違宋玉牢騷賦未歸一曲驟歌三
日酒風吹片片海棠飛

東來柳葉細如蠶欲去桃花放正酣獨有多情牽
暮雨消魂千尺是江潭

曹公子冲谷貽詩扇墨二事口占却謝用來

韻

郊居嬾散臥牆東陟屺驚心值路窮忽有煙光凌
易水漫勞紈扇引春風輕車已枉夷門馭絕唱猶

聞漢苑鴻錦帶萊衣看並得芳朝徙倚興難同

制府大司馬希公垂念幽微因蒙方伯大守

延致奉謁投贈五首

萬國同瞻玉燭新中原實藉保釐春羣推甸服先
西土特簡元公下北辰袞繡驅車千載事關河仗

鉞兩京身喜逢垂拱敷文德時補黃圖繼獲麟時纂

輿地志

栢府森森霄漢邊

公自御史大夫出制秦蜀

烏臺獨座領羣賢

天方右顧公初至地冠南曹節更專水暖膏流星
海雪春晴晝綻嶽門蓮漫勞臨策思周召分陝遙

追卜雒年

啟事名高豐沛間

公起家
銓君

絲綸忽復躋崇班

權內閣侍

郎夏卿會假山公出

轉兵部侍郎

天部重宜水鏡還

遷吏

部侍

京邑避驄多緩步

拜總憲

塞垣聞敕破愁顏行

人瀚海連青海笑抵蕭關及散關

河外青羗啟幕隨夜看烽火靖西陲黍苗爭傍春

暉解楊柳何煩曉笛窺位重文昌兼將相

天官志文昌一

星上將二

身如郭令繫安危爰聞至德清邦族竹

帛旂常一代推

樵牧驚心紫禁杯籲恩丹陛賦歸來本無羔鴈資

行省何意鷓鴣託外臺闕閣敬書喬木世封疆欣

接巨川才依劉趨命真叨竊畫閣春深靜晝開

伏承方伯希公延至青門投贈五首

藩方環列樹維城百二提封古漢京篆剖渾疑關

氣紫帷高獨撼井雲清春來甘雨真知候野滿嘉

禾競向榮正似櫟陽蕭相國辰猷重發度支聲

十年關輔劇兵戈萬里征輸盡橐駝自有德音寬

歲運初逢文伯慶時和花明舊壘鶯啼好水散平

林燕翼多寄語郊原勤底力佇聞春甸下鳴珂

中書行省歷朝同再見甘棠憩召公河渭並歸邦

受神室詩卷五
六
教濶雍梁全入地圖。雄飛芻息間。屏羽挾纒謳吟飽。部戎父老白頭。扶杖立東臺。披拂太平風。

征蠻初靖羽林軍。聖主垂衣銳右文。赤籍遙追秦

漢上。皇輿直跨海山分。時纂輿圖將進呈公嘗題柱才無

敵國待刪書。望不羣。典指終南墳。八水石渠天祿

萬年勳。

君恩忝竊到樵漁。歎喜台輝接敝廬。阮籍自依司

馬醉侯羸。真下信陵車。長廊峻閣開襟遠。翠蔭青

苔照座舒便欲從公。酣令德爲農。未暇惜春鋤。

贈臬憲布公五首

西國啼鶯送好音。始和旌節喜初臨。共傳封事騰

皇極。誰識臺端簡帝心。臥鼓懸鈴屏燭靜。寒帷露

冕部花深。更饒圖史娛清晝。周漢風流慰所欽。

行省欣逢獬豸冠。使君驄馬入長安。地臨虞芮交

成後。人是臯蘇曠代看。明月每多開霽色。綵毫時

復漾霜寒。屬方爭沐隨車雨。禾黍盈盈湛露溥。

執法天垣右。幾星丹書西指入青溟。授才真有明

良契。經國何殊內外庭。孝弟力田初返樸。春薪輸

作總無形。况聞前躅推開府。遷擢還同列憲屏。前臬

陞廿
撫

帶鳥鳴謙漢署光同時叅佐挹溫良于公種德門
原大衛叔祥刑祚獨長日暖飛鳥流影合雲移古
栢數株香春來登嶽觀鶉野北斗新銷貫索亾
貧臥蓬蒿禮數違爲瞻邦憲一摳衣葭吹荒谷通
春滿戟列崇臺受牘稀象魏不煩更月甲戎羗遙
已攝天威如容客宿窺台宿信有三微接少微

贈糧籓王公

上郡寒帷羽檄中榆關持節靖羗戎邊雲北望千
巖紫塞馬南來萬樹紅新有恩綸寬國賦更隨時
雨卜年豐借恂吾土思方切旌旆還歌屬部同

贈費司馬姓菴

三春客屐冷青門曉謁東堂色正溫鳥雀競延歸
哺翼翬貅新定羽林屯貧爲耕釣長依澗喜賦軒
裳偶出村緩帶自公多暇景花時應瀉藥欄罇

贈劉都使峻公初度

江海心期羽翮高對君真覺飲醇醪車戎託賦渾
如玉露布盈篇不卸刀得士座清秦苑柳逢辰顏
渥漢宮桃還聞擗管多佳興暇日同唸曲水濤

寄俞學憲公夢符五首

列憲新推侍從臣觀鄉曾此賁朱輪年芳復紫關

門氣亂戢還清岳路塵風指一南先續雅地連三
輔再歌秦比看朝靄纏東壁驚有犀光待隱鱗
詞名夙擅蕊珠宮忽復仙雲到眼中禮樂不愁侵
蔓艸山川真欲剖鴻濛黃梅雨至霑時足玉井蓮
開照夜同誰道使星遑稅駕正須褰閣倚春風
浮日南溟慶止戈一時鳴鳳盡同柯華簪久拂三
垣月藻蓋新飛五老河接歲龍媒騰禁苑何時寶
鑑下煙蘿祇今被服觀風教不數山中桂樹多
覽勝停驂古鎬都承明著作領羣儒菁莪色滿還
勞種翡翠音高好待呼漢時西攀仙掌出秦山東

嚮伯風孤已欣彝鼎能求士還藉冰霜再剖符
天祿論文往事疎使君朝野慶新除清宗已歷吳
都賦綵筆應高越絕書塞艸寒風爭自發關鴻振
翮意何如寄言樵牧無耽隱西國人倫水鏡初
寓關中書院賦呈太守董公

昔予客江漢顛顛衣百結負米安士常當塗謝干
謁於維閭學尊實建中丞節法宿耀南楚臺門寒
凜冽抗章褫異端心骨披狂譎寬典貸須臾聖仁
寧久竊聿來十年間初伏兩觀孽欣覲濂洛派炳
如日星揭鄰驚拂袖歸攀臥無轉轍濫詔許湯沐

庶僚皆泣愀陳詞羅長筵採賤爲寵別

時藩臬屬予爲文以

祖其

行蒙盼柯亭竹會心那得說男兒貴知音信義

瞻帶嶮何必接塵遊慰茲懷抱切公時痛陟岷宅
恤方衰經徒使廣川名溯洄腸屢熱西還跡未穩
鬼徼喧鳴鐵尺水翻逆波橫流幾潰決關涼煽餘
氛隴道中喋血萬里輸芻粟殘黎已汗竭兇渠就
夫誅醜類隨蕩折環海正拱已保釐需明哲適公
領是邦闔命皆大悅河渭剖雄符漢京超並列顯
猷承家深霜景著性潔吏畏民益懷風清弊斯絕
憶當臨部初偏會羽書閱靖亂本廟謨貔貅相更

迭舊帥移荆吳新戍下恒碣送往兼迂居輿徒互
填咽肆其鞭撻威張飲詎能輟責賄酣谿壑裝盈
幕不撤編氓愁牽輓出戶或永訣困役與重遷交
持生危隍急難仗我公饑溺嘗親挈獨叱征麾前
寧辭雜亂媒佐之數千緡俱自捐冰蘖巨手撐玉
岳長留此遺子詰朝禁旅至茅棟增新設蒞事乃
茹辛吾人解羈紲爰從褰絳帷犯露復凌雪返署
多秉燭連晨忘櫛啜才高霽輝延案牘飛電掣雅
興耽尺籍幽期盡巖穴瑤華賁荒谷內省疎且拙
下榻授經邠淵源宗國傑徐商髦士舊擬補風雩

缺絃誦息戎馬泰山徵蟻垤早登要衢津光述開
府烈託契隗也始黃鐘發吹吹

送祝明府子尊自韓城之靖州任

地阻雙魚憶少梁春晴五馬下湖湘關雲色帶江
雲闊渭樹光連楚樹長卽擬開尊同別酒初承飛
旆已征裝荆門鄂渚懷雄槩儻過題詩一繫航

西園卽景爲太守公賦十首

地系思京兆儒宗溯廣川避囂簪紱暇乘輿竹書
年乳燕依新閣飛鴻帶遠天好修重師尹關輔一
蒼然

郡劇堂逾靜軒高檻正分牙籤明錦帙玉塵漾晴
曛秀入皇陂水寒流御宿雲知公愜幽意坐嘯及
羲文

築砌金沙晚開簾碧樹春歌鶯酣欲放啄雀飽能
馴愛士忘餐沐持躬謹笑嚙醉尋容野老披豁徧
叢筠

競惜香醪嫩誰堪綺席孤迴車辭要客倒屣迂潛
夫象籀光盈凡藤蘿藹入圖數來鳴鳥換烟護博
山爐

靜書縹緗啟佳辰宛委開賜攜中秘物生有大夫

才任客抽書卷移時對酒杯過從隨暖眼雙屐稔
青苔

舊識中秦邸初瞻半畝宮培花耽麗日藉草入溫
風徑密榮柯細烟疎老幹雄振衣懷萬古心跡許
誰同

退食簷楹敞耽吟帶紱閒漢唐留赤籍周召正朱
顏藻觸魚波動林迷蝶翼斑捲帷停暮雨疏翠接
南山

屬部多栖鶴期門似豢龍政成聞一雅天闊眺諸
峯杖杜流陰大修篁瀉露濃正襟居斗室民物並

春容

步武聯麟閣威儀得鳳毛趨庭渾擅美領郡不辭
勞簿牘春輝迅琴罇夜色高躅芳親令德冰玉世
同操

契託乾坤始心期海岳長撥紛能下榻謀道許連
牀畫拱觀佳構瑤函注夙芳追隨慚授簡觸目盡
琳瑯

劉使君敬菴餽櫻桃柬謝次杜韻

故國櫻桃四月紅鮮分使舍出絲籠雕盤粒粒明
珠醉碧椀纍纍瑪瑙同曠代賜新懷漢邸逢時春

薦冷秦宮朱林蠟顚叨佳實座客傳餐慰轉蓬

永徽

圖經櫻桃洛中者勝深紅色曰朱櫻明黃色曰蠟櫻

贈神木司馬弟茂遠

遼海仙枝抱日強更逢司馬冠羣芳輝輝霽景團
花萼靄靄溫風接雁行旌羽最憐邊郡苦薜蘿相
對夏陰長稔知勞績推先步遷擢遙分譜謀光

贈費司馬初度二首

入郡風華暢夙期春醅轉眼對鳴鸞心如冰雪瞻
臨部賦得岡陵值介眉掾史不喧屏燭靜琴書長
繞閣雲遲漢家司隸推清切紫陌黃圖迴未移

帶紱風流漢署芬維南佳氣接氤氳黍禾將滿勾
芒籍干羽初寧宿衛軍國大有年歡置酒堂多清
晝劇論文壘書頻勸宣邦教迢遞關河望不羣

柬劉使君敬菴二首

抗館青門節序移登臨不倦費幽期舊京文物光
浮几高枕松雲淡入帷畫榭杯深鳴鳥變珠簾春
靜落花遲使君乘興忘家食賓客還空處士籬
聞說長安義故多萬人同邸競謳歌黃金偶盡顏
仍壯白壁長存志不磨旨酒嘉魚頻餉隱雄關古
甸待鳴珂如圖遺愛呼宸極宦况清入渭水波

雨中答子禎用來韻二首

得雨歡方會成霖意却迷蛟龍應飽食鳥雀未安
栖川漲羣流遠雲深萬木低旅懷知不次無惜醉
如泥

最是連朝溜偏愁獨夜聞琴書須暫帙枕簟必時
薰地僻盤蔬減秋寒貯絮分泥塗違好晤咫尺悵
離羣

苦雨再用前韻酬子禎二首

耐續中宵漏愁藏薄暮霓水流清不竭苔長綠含
淒歲力寬輪輓人情厭鼓鼙村醪猶貰得何地可
相攜

急雨傾連屋諸峯捲入雲烟濤供老眼翰墨把清
芬曝麥誰忘泛鄰砧爾最聞幽期攀好月莫更灑
秋分

宋見若雨鄙作更云元唱是夜雨再和二首

仍前韻

積雨夜燃藜幽人獨未栖洗兵淹徼外流火濕天
西注瀉明河落聲吹黑水迷倚牀增展轉鴻雁響
遙隄

惱客無時住離居若更聞苦思東嶂月愁殺北山

雲去燕留華拱飛螢點練裙翻疑神女賦不遣暮霞曛

喜十四夜月得明字蕪字

苦雨纏旬朔良宵肯遂晴自看秋霧捲相對暮寒輕黍稷猶分歲關河始罷兵狂夫奇愛月况得故鄉明

散步幽襟爽臨觴宿病蘇先期光不闕永夜興難孤萬壑開青鏡千林入畫圖高蟾新濯好緩緩下平蕪

中秋夜積雨初晴對月限字二首同子禎作歲在

昭陽大淵獻

向晚微風住衝垣皓月來水林相際出天地洞然開素託孤亭影明連萬古杯浮楂如許借直泛斗星廻

露重融爲液波明汎若潮北山行處是

敝廬之北爲頻山亦

稱明月山西極望中遙浩蕩吞清漢縱橫入麗譙寒蟾思不隔白兔坐堪招

寄遲明府閭生

雨後長天一色澄東原紫日奮朝升兵銷胥吏閑無事歲稔閭閻慶有徵秋露遠涵華黍碧曉烟時

帶玉琴凝躋堂正值良辰酒繡轂朱輪介路乘

寄懷觀察公二首

自賦離居二十年嵐峯回首一蒼然浮沉郡省官
仍達契濶江河使未傳世亂橫戈陳俎豆功高拂
袖訪林泉少微匡衛原相並中夜頻窺紫氣纏
馬度青門迅若飛車前綵服慶庭闈一枝重傍東
山重千堞親凌北斗輝玉帛克閭仍拜賜冰霜載
路且遲歸還期春酒開佳節笑頌椒花入漢畿

寄劉令聞明府時讀禮將歸

方岳橫臨楚澤尊妙年公子早承恩苦辛鳧舄還
飛去迢遞關河有駿奔別館清秋杯未冷荒郊白
日旃猶溫自當遄起光勳閥何地相過樹戟門

題無異先生顧廬三首

有序

無異先生初輯是廬學易其中因以顏之
顧亭林先生至華下借居之亭林先生旣
歿山翁改署今名李生見而哀之且多山
翁之敦夙好也爲詩紀實云爾

學易中年自結廬衡門忽繫遠遊車雙飛遂合延
津劔萬卷同歸遯世書逝水難留清漢老名山忍
對白蓮疎還因適館移新額泪洒西州寓目初

江海英魂何處飄入關曾此問漁樵三峯客去秋
光冷一榻亭間夜色遙博愛濫收元禮御幽棲翻
易伯通橋榛苓遺恨無存歿欲傍周原賦大招
獨步空庭悼所思悲歌永夜憶同時武陵誰引千
年跡姑射渾無一物疵每爲松楸愁北嚮爭教鴻
鵠戀南枝潛居幸有王符在夙契兼留趙壹詩

時同

趙子名鼎

煥翁觀察公暨黎恭人雙壽四十韻

地溯楊侯國天開隴樹源漢來稱貴姓江表託忠
藩暫伏潛居野長征歟駕軒倚蘭滋冀服列俎大

唐園闕閱堪遙問榮枯莫具言東枝光我李右徙
並司根乃蔚興朝傑從瞻望族尊賢書登首善茂
宰跨中原報最州圖啟臨邊戍障繁絳帷遙有出
嵐谷迴無喧露沃巖城注風高健翮騫好音推牧
守春色徧湖袁勁旅方凌泊兕渠久寄樊郡屏躬
輓運疆事改寒暄竟覆星沙掌還摧蟻蠕魂敘庸
初仗節連牧總承恩白粲釐逋賦滄洲閱課屯觀
鄉三物比視學兩京論藻鑑渾隨幕澄暉數舉益
頑讒違使部俊及滿公門驟霧今難解浮雲古易
昏浩然歸棹疾侵競拂衣溫簣土虛頽仍織埃不

受補堂詩卷五
挂痕但懷遮去馬何術挽行轅結髮偕鳴瑟齊眉
早佩萱相將躋令壽共得引清罇况接金閨朗連
徵玉樹蕃摩霄飛嶺鶴破浪起溟鯤鳥影雙雙見
花封衮衮存前盟叨夢想夙契許追奔壯歲遊河
朔雄心矚塞垣吾宗真自秀彼美亦爭敦別闊聞
聲阻愁深寤抱煩知交乖晦息世路悚騰翻畏亂
方辭微藏名僻入村尚期依杖履重幸把瓊璠枕
簞當時設松筠到處捫飲須窮夜漏眠不計朝暎
介爵恭逢子含飴樂庇孫昌齡臻耄耄錫祐冠乾
坤

筠菴自咸寧擢興安刺史喜賦長篇

仙李百萬葉結根通芳甸使君遼海枝敦敘帝京
彥雙鳥辭彤雲舊都領赤縣鳴珂自東來到處觀
者羨二十微有餘春華照顏面聰明表莊臨事事
如宿練關輔古上游曩時方酣戰飛符競流羽候
火閔掣電轉粟冥漠遙危厓掉頭眩艱難白玉粒
頓致黃金賤將帥多內出王公着戎弁行臺叢會
城走卒勢相煽貂首挿秦珠馬鞍裝楚瑗諄呼守
宰門箕坐縱橫眄司牧首芷陽接塵蒙佳選更番
裹糧徒每唱諸屬先大義貔貅激歡聲塞壕徧憑

收汚水波笑下銅梁箭卅府昨論功昇平初報宴
課勞已兼人廉卓仍獨擅當沸畫角日且張珠琴
倩雍容飲射修喜睹民風變綵筆久絕倫幽襟供
高撰驅車過秦宮攬勝詢漢院逆旅義和居詞場
賈董禪孤吟濁俗中曠代佳人見明發長縈懷在
原固所戀推茲同氣情遂沐友子眷疇昔冀方遊
浪隨蓬影轉仲兮舞象勺精比純鈎鍊握別幾何
時絃歌盈耳善堪嗟荷耒夫 詔對明光殿歸養

戴 聖慈上書容狂狷平生錦帶交蕩析天涯傳
託契許新知寒空飄弱線好竿乃鼓瑟秋至悲團

扇念此安艸茅躬耕寡攀援嚴飈理敝裘半菽克
朝膳吾弟來是邦惠存續胥掾鍾期忽從遊瓦缶
欣自銜盛夏登齋閣西園正鬱蓓舊臣心披素絲亦
不廢清讌憶立芙蓉池徐聞好鳥囀淹留老徑菊
返旆霑霜霰幸邁孛彗豁重施山川奠辛勤濟世
才屢以循良薦翻訝嘉績垂未乘要衢便上庸擢
褰帷荒郡須手繕皓月挂離席晴霞瞻綺片江郊
田最沃竊擬作屯佃

雪後子禎先生見柬五詩適趙二子實至答
用元韻同舍弟

白鶴摩空影漸遙
陽回霽景媚寒朝
清分梅萼添新色
素斂松林瀉後凋
歌郢歛吹葭雪燦
訪逵偏引澗風嬌
十年高臥憐公等
敢問乾坤玉燭調
載酒霜天老自休
飄零厨俊憶同遊
尚餘枚叟文仍健
深媿袁安臥未幽
下榻地連明月迴
披帷人向白雲求
郊行與汝懷疇昔
太乙峯開瀟水流

明

山在村北

白馬將軍去朔關

今兄嫖姚君初自西夏移鎮

平原公子過東

山壑冰疑傍仙鳧
解門柳歡迎珮帶
閒無那飛花侵素
髮漫愁浮蟻換朱
顏晴暉自覺溫隨
汝不放

輕車十日還

趙新解組

勝友栖遲野興深
欣逢初雪綻長林
爲園有仲耕相耦
洗盞呼兒酒自斟
時見老鴻舒凍爪
更培慈竹庇春陰
夜來雞黍還供客
因歎茅容奉母心
磻戶猶慙捧檄過
吾親本亦慕烟蘿
時方多難容偕隱
客有知音足放歌
望歲頻看六出好
銜杯更喜一陽和
鱗潛夔伏原隨分
莫訝鷓鴣託舊柯

代賀筠菴使君

出宰能高紫閣風
寒帷忽擢漢川東
幾年御李光尤渥
多士依劉事畧同
官路野禾明綠髮
祖筵春

酒漾花驄灞橋何限初舒柳吾獨徘徊賦角弓

